



DASAR KESELAMATAN TEKNOLOGI MAKLUMAT DAN KOMUNIKASI

Kementerian Sumber Asli dan Alam Sekitar

**DASAR KESELAMATAN
TEKNOLOGI MAKLUMAT
DAN KOMUNIKASI**



Diterbitkan oleh:

Kementerian Sumber Asli dan Alam Sekitar

Bahagian Pengurusan Maklumat

Aras 4 & 5, Wisma Sumber Asli

No 25, Persiaran Perdana, Presint 4

Pusat Pentadbiran Kerajaan Persekutuan

62574 Putrajaya

Malaysia

Telefon : 03 - 8886 1062

Faks : 03 - 8889 4821

Laman Web : <http://www.nre.gov.my>

© Hak cipta terpelihara:

Tiada mana-mana bahagian daripada Dasar ini boleh diterbitkan semula atau diproses, disalin, diedarkan melalui capaian sistem di dalam sebarang bentuk (cetakan, fotokopi atau seumpamanya) tanpa mendapat kebenaran bertulis dari Kementerian Sumber Asli dan Alam Sekitar (NRE).

Kementerian berhak untuk mengubah atau menambah mana-mana bahagian dalam Dasar ini pada bila-bila masa tanpa pemberitahuan awal. Kementerian tidak bertanggungjawab terhadap sebarang kesalahan cetak dan kesulitan akibat daripada Dasar ini.



The man who trades freedom for security does not deserve nor will he ever receive either. — Benjamin Franklin



When you know that you're capable of dealing with whatever comes, you have the only security the world has to offer. — Harry Browne

MAKLUMAT DOKUMEN

Tajuk	:	Dasar Keselamatan Teknologi Maklumat dan Komunikasi (DKICT)
Versi	:	2.3
Tarikh Kuat Kuasa	:	28 November 2014
Pemilik	:	Bahagian Pengurusan Maklumat Kementerian Sumber Asli dan Alam Sekitar

SEJARAH SEMAKAN DAN PINDAAN

Versi	Tarikh	Ringkasan Semakan/ Pindaan	Kelulusan	Tarikh Kuat Kuasa
1.0	2007	Terbitan pertama	-	-
1.1	22 Julai 2008	Dikemas kini berdasarkan perubahan dasar/ polisi, peraturan, proses, prosedur dan struktur organisasi terkini dan berkuat kuasa	-	-
1.2	8 Oktober 2009	Pindaan nama kepada Bahagian Pengurusan Maklumat (BPM)	-	-
2.0	14 Mac 2011	Dikemas kini berpandukan keperluan standard ISO/IEC 27002	Mesyuarat Pengurusan Bil. 2/2011	1 April 2011
2.1	20 Jan 2012	Dikemas kini berdasarkan perubahan dasar/ polisi, peraturan, proses, prosedur dan struktur organisasi terkini dan berkuat kuasa	Mesyuarat Jawatankuasa Pemandu ICT (JPICT) NRE Bil. 1 Tahun 2012	31 Januari 2012
2.2	4 Julai 2013	Dikemas kini berdasarkan perubahan dasar/ polisi, peraturan, proses, prosedur dan struktur organisasi terkini dan berkuat kuasa	Mesyuarat Jawatankuasa Pemandu ICT (JPICT) NRE Bil. 4 Tahun 2013	29 Julai 2013
2.3	3 November 2014	Dikemas kini berdasarkan perubahan dasar/ polisi, peraturan, proses, prosedur dan struktur organisasi terkini dan berkuat kuasa	Mesyuarat Jawatankuasa Keselamatan dan Operasi ICT Bil 2 Tahun 2014	28 November 2014
	19 Disember 2014	Tambahan Lampiran Borang Akuan Pematuhan DKICT Pihak Ketiga	Mesyuarat <i>Management Review of the ISMS</i> Bil.3 Tahun 2014	19 Disember 2014

SINGKATAN PERKATAAN

BCM	<i>Business Continuity Management</i>
BCP	<i>Business Continuity Plan</i>
BPKN	Bahagian Pentadbiran dan Kewangan
BPM	Bahagian Pengurusan Maklumat
BPSM	Bahagian Pengurusan Sumber Manusia
CCP	<i>Crisis Communication Plan</i>
CERT	<i>Computer Emergency Response Team</i>
CIO	<i>Chief Information Officer</i>
DDOS	<i>Distributed Denial of Service</i>
DKICT	Dasar Keselamatan ICT
DRP	<i>Disaster Recovery Pelan</i>
ERP	<i>Emergency Response Plan</i>
GCERT	<i>Government Computer Emergency Response Team</i>
ICT	<i>Information and Communication Technology</i>
ICTSO	<i>ICT Security Officer</i>
ID	<i>Identity</i>
IDS	<i>Intrusion Detection System</i>
IPS	<i>Intrusion Prevention System</i>
JPICT	Jawatankuasa Pemandu ICT
LAN	<i>Local Area Network</i>
MyCERT	<i>Malaysia Computer Emergency Response Team</i>
NRE	Kementerian Sumber Asli dan Alam Sekitar
PKI	<i>Public-Key Infrastructure</i>
PKPKKM	Pejabat Ketua Pegawai Keselamatan Kerajaan Malaysia
SMS	<i>Short Message Service</i>
SPA	Sistem Pengurusan Aset
UPS	<i>Uninterruptible Power Supply</i>
UTC	<i>Coordinated Universal Time</i>
VPN	<i>Virtual Private Network</i>
WAN	<i>Wide Area Network</i>

KANDUNGAN

MAKLUMAT DOKUMEN.....	i
SEJARAH SEMAKAN DAN PINDAAN.....	ii
SINGKATAN PERKATAAN	iii
PERUTUSAN	vii
1. DASAR KESELAMATAN.....	1
1.1 Pendahuluan.....	1
1.2 Prinsip Keselamatan Maklumat.....	1
1.3 Skop	1
1.4 Prinsip	2
1.5 Pemakaian.....	5
1.6 Semakan dan Pindaan.....	5
2. ORGANISASI KESELAMATAN MAKLUMAT	6
2.1 Tanggungjawab Pengurusan Keselamatan ICT NRE	6
2.2 Struktur Pengurusan Keselamatan ICT	8
2.3 Jawatankuasa Keselamatan dan Operasi ICT.....	9
2.4 Juruaudit	9
2.5 Penasihat Undang-undang.....	9
2.6 Pengurus Sumber Manusia	10
2.7 Pihak Ketiga.....	11
3. PENGURUSAN ASET	12
3.1 Tanggungjawab Terhadap Aset	12
3.2 Pengelasan, Pelabelan dan Pengendalian Maklumat.....	13
4. KESELAMATAN SUMBER MANUSIA	14
4.1 Sebelum Berkhidmat	14
4.2 Dalam Perkhidmatan	14
4.3 Latihan	15
4.4 Keselamatan ICT Dalam Senarai Tugas.....	15
4.5 Bertukar atau Tamat Perkhidmatan	17
5. KESELAMATAN FIZIKAL DAN PERSEKITARAN.....	16
5.1 Tanggungjawab Keselamatan Fizikal dan Persekitaran	16
5.2 Kawalan Kawasan Terperingkat.....	16
5.3 Keselamatan Peralatan ICT dan Dokumen	17
5.4 Prasarana Sokongan	18
5.5 Penyelenggaraan Peralatan.....	20
5.6 Peminjaman Peralatan.....	20
5.7 Pengendalian Peralatan Luar yang Dibawa Masuk/ Keluar	21
5.8 Pelupusan Peralatan	21
5.9 <i>Clear Desk</i> dan <i>Clear Screen</i>	21

5.10	Melaporkan Kehilangan atau Kecurian Pas Keselamatan, Kad Pengenalan Jabatan, Kad Kuasa dan Kad Pelantikan.....	22
6.	PENGURUSAN OPERASI DAN KOMUNIKASI.....	23
6.1	Pengendalian Prosedur.....	23
6.2	Pengurusan Penyampaian Perkhidmatan.....	23
6.3	Perancangan dan Penerimaan Sistem	24
6.4	Pengurusan dan Kawalan Perubahan	24
6.5	Perlindungan Dari <i>Malicious</i> dan <i>Mobile Code</i>	25
6.6	<i>Backup</i> dan <i>Restore</i>	26
6.7	Pengurusan Keselamatan Rangkaian	27
6.8	Pengendalian Peralatan Penyimpanan Maklumat	27
6.9	Pertukaran Maklumat.....	28
6.10	Perkhidmatan e-Dagang (<i>e-Commerce</i>).....	28
6.11	Pemantauan.....	29
6.12	Pengasingan Bidang Tugas.....	29
6.13	Pengasingan Infrastruktur Operasi dan Pembangunan	30
6.14	Pelarasan Masa untuk Semua Sistem Di Dalam Pusat Data	30
7.	KAWALAN CAPAIAN.....	31
7.1	Keperluan Kawalan Capaian	31
7.2	Kawalan Capaian Pengguna.....	31
7.3	Pengurusan Kata Laluan.....	32
7.4	Kawalan Capaian Rangkaian	34
7.5	Kawalan Capaian Sistem Pengoperan.....	35
7.6	Kawalan Capaian Aplikasi dan Maklumat	36
7.7	Peralatan Mudah Alih dan Kerja Jarak Jauh	36
7.8	Penggunaan Capaian Tanpa Wayar	37
7.9	Tanggungjawab Pengguna	37
8.	PEROLEHAN, PEMBANGUNAN DAN PENYELENGGARAAN SISTEM MAKLUMAT.....	38
8.1	Keperluan Keselamatan Sistem Maklumat.....	38
8.2	Kawalan Kriptografi (<i>Cryptography</i>)	38
8.3	Kawalan Fail Sistem	39
8.4	Keselamatan Dalam Proses Pembangunan dan Sokongan.....	39
8.5	Kawalan Teknikal Keterdedahan (<i>Vulnerability</i>).....	40
9.	PENGURUSAN PENGENDALIAN INSIDEN KESELAMATAN.....	41
9.1	Pengurusan Pengendalian Insiden Keselamatan	41
9.2	Insiden Keselamatan.....	41
9.3	Melaporkan Insiden	42
9.4	Menentukan Keutamaan Tindakan Ke Atas Insiden.....	42
9.5	Pengendalian Insiden.....	43

10. PENGURUSAN KESINAMBUNGAN PERKHIDMATAN (PKP) (<i>BUSINESS CONTINUITY MANAGEMENT (BCM)</i>).....	45
10.1 Kesenambungan Perkhidmatan.....	45
10.2 Pelan Kesenambungan Perkhidmatan (<i>Business Continuity Plan (BCP)</i>).....	45
10.3 Perubahan atau Pengecualian BCP	45
10.4 Program Latihan dan Kesedaran Terhadap BCP	46
10.5 Pengujian BCP	46
11. PEMATUHAN.....	47
11.1 Pematuhan Dasar.....	47
11.2 Keperluan Perundangan	47
11.3 Perlindungan dan Privasi Data Peribadi.....	47
11.4 Semakan Keselamatan Maklumat	48
11.5 Pelanggaran Perundangan.....	48
11.6 Akuan Pematuhan Dasar Keselamatan ICT.....	48
PENGHARGAAN	49

PERUTUSAN

KETUA SETIAUSAHA KEMENTERIAN SUMBER ASLI DAN ALAM SEKITAR



Assalamualaikum warahmatullahi wabarakatuh dan Salam
1Malaysia,

Terlebih dahulu saya ingin mengucapkan tahniah kepada Bahagian Pengurusan Maklumat (BPM) atas kejayaan menghasilkan Dasar Keselamatan Teknologi Maklumat dan Komunikasi (DKICT) untuk dijadikan rujukan khasnya oleh warga kementerian ini.

Adalah menjadi hasrat kerajaan untuk meningkatkan keberkesanan sistem penyampaian melalui penggunaan teknologi maklumat dan komunikasi (*Information and Communication Technology (ICT)*). Selaras dengan hasrat ini, Kementerian Sumber Asli dan Alam Sekitar (NRE) telah meningkatkan penggunaan ICT dalam meningkatkan kualiti penyampaian perkhidmatan dengan menyediakan lebih banyak saluran interaktif seperti khidmat pesanan ringkas (*Short Message Service – (SMS)*), aplikasi laman web dan teknologi komunikasi tanpa wayar untuk digunakan.

Sejajar dengan kemajuan teknologi maklumat dan era dunia tanpa sempadan pada hari ini, kita tidak dapat lari daripada ancaman siber seperti pencerobohan, penipuan data dan sebagainya. Sehubungan itu, adalah penting untuk kita selaku pengguna ICT memahami dan mengetahui kaedah serta prosedur tertentu dalam menggunakan aplikasi ICT secara berhemah yang seterusnya dapat mengurangkan risiko daripada terdedah kepada pelbagai bentuk ancaman seperti yang disebutkan.

Sebagai memenuhi hasrat ini, penerbitan Dasar ini akan menjadi rujukan kepada semua warga NRE dalam pengurusan dan pelaksanaan ICT yang berkaitan dengan isu-isu keselamatan perkakasan, perisian dan juga maklumat. Kemajuan teknologi ICT yang begitu pesat berkembang masa kini yang sangat memberi kesan kepada sistem penyampaian perkhidmatan kerajaan.

Soal keselamatan ICT terutama “maklumat” perlu diambil perhatian yang serius. Gejala-gejala negatif yang merupakan agen dalam pencerobohan maklumat secara siber semakin giat aktif masa kini. Amat bahaya sekali apabila perkara ini berlaku di luar kawalan fizikal di mana ia menerusi jaringan rangkaian awam (Internet) yang terdedah kepada umum.

Justeru itu, dengan adanya DKICT ini maka setiap pengguna ICT di NRE akan lebih berhati-hati dan sentiasa merujuk kepada langkah-langkah keselamatan yang tertera di dalamnya. Pematuhan kepada keselamatan seperti yang terkandung dalam DKICT ini adalah wajib dipatuhi

dan sebarang penyelewengan boleh menyebabkan seseorang pegawai atau kakitangan diambil tindakan yang sewajarnya. Oleh itu saya menyeru kepada semua warga NRE agar mematuhi segala peraturan keselamatan ICT yang telah digariskan agar pelaksanaan program ICT di NRE berjaya mencapai matlamat dan selamat daripada sebarang insiden keselamatan ICT.

Sekian, terima kasih. Wassalamualaikum warahmatullahi wabarakatuh.

“Keselamatan ICT Tanggungjawab Bersama”

DATO' SRI ZOAL AZHA BIN YUSOF

1. DASAR KESELAMATAN

Dasar Keselamatan Teknologi Maklumat dan Komunikasi (DKICT) Kementerian Sumber Asli dan Alam Sekitar (NRE) diwujudkan bagi tujuan memastikan hala tuju pengurusan perlindungan maklumat adalah selaras dengan keperluan perkhidmatan NRE dan peraturan serta undang-undang.

1.1 Pendahuluan

NRE bertanggungjawab memastikan keselamatan maklumat yang dimiliki atau dikawal selia adalah bebas daripada ancaman dan risiko.

1.2 Prinsip Keselamatan Maklumat

Asas kepada keselamatan maklumat adalah melindungi atau memelihara perkara berikut:

- (a) Kerahsiaan – bermaksud maklumat tidak boleh diperolehi atau didedahkan kepada individu, entiti atau proses yang tidak dibenarkan;
- (b) Integriti – bermaksud memelihara ketepatan dan kesempurnaan maklumat;
- (c) Ketersediaan – bermaksud boleh dicapai dan digunakan apabila diperlukan oleh entiti yang dibenarkan;
- (d) Tidak Boleh Disangkal – bermaksud punca data dan maklumat hendaklah dari punca yang sah dan tidak boleh disangkal; dan
- (e) Kesahihan – bermaksud data dan maklumat hendaklah dijamin kesahihannya.

1.3 Skop

Aset bagi NRE adalah pelbagai seperti maklumat, aset perisian, aset fizikal, perkhidmatan, manusia dan aset tidak nyata (*intangibles*). Semua warga kerja NRE adalah bertanggungjawab memastikan dan memulihara perkara berikut:

- (a) Maklumat hendaklah boleh dicapai secara berterusan dengan cepat, tepat, mudah dan dengan cara yang diyakini selamat bagi membolehkan keputusan dan penyampaian perkhidmatan dilakukan dengan berkesan dan berkualiti; dan

- (b) Semua maklumat hendaklah dijaga kerahsiaannya dan dikendalikan sebaik mungkin pada setiap masa bagi memastikan kesempurnaan dan ketepatan maklumat serta melindungi kepentingan kementerian, perkhidmatan dan masyarakat.
- (c) Bagi memastikan keselamatan maklumat yang berterusan, DKICT NRE merangkumi perlindungan semua bentuk maklumat kerajaan yang dimasukkan, diwujudkan, dimusnahkan, disimpan, dijana, dicetak, diakses, diedarkan, dalam penghantaran, dan yang dibuat salinan keselamatan. Ini dilakukan melalui pewujudan dan penguatkuasaan sistem kawalan dan prosedur dalam pengendalian aset NRE seperti berikut:
 - (i) Maklumat: pangkalan data dan fail data, kontrak dan perjanjian, sistem dokumentasi, maklumat penyelidikan, manual pengguna, bahan latihan, prosedur operasi dan sokongan, pelan kesinambungan perkhidmatan, *fallback arrangements*, jejak audit (*audit trails*) dan maklumat arkib;
 - (ii) Aset perisian: perisian aplikasi, perisian sistem, alat pembangunan (*development tools*) dan utiliti (*utilities*);
 - (iii) Aset fizikal: peralatan komputer, peralatan komunikasi, media mudah alih dan lain-lain peralatan;
 - (iv) Perkhidmatan: perkhidmatan pengkomputeran dan komunikasi, utiliti umum seperti pencahayaan, elektrik dan pendingin hawa;
 - (v) Manusia: kelayakan, kemahiran dan pengalaman; dan
 - (vi) Aset tidak nyata (*intangibles*): seperti reputasi dan imej organisasi.

1.4 Prinsip

Prinsip DKICT NRE adalah seperti berikut:

- (a) Capaian Atas Dasar Perlu Tahu

Capaian dibenarkan dan dihadkan kepada pengguna tertentu atas dasar “perlu tahu” berdasarkan klasifikasi maklumat dan tahap tapisan keselamatan pengguna.

(b) Hak Capaian Minimum

Hak capaian kepada pengguna dimulai pada tahap yang paling minimum. Kelulusan adalah perlu bagi membolehkan capaian pada tahap yang lebih tinggi.

(c) Akauntabiliti

Setiap pengguna adalah bertanggungjawab ke atas semua tindakan terhadap kemudahan ICT NRE yang disediakan. Tanggungjawab pengguna termasuk perkara berikut:

- (i) Menghalang pendedahan maklumat kepada pihak yang tidak dibenarkan;
- (ii) Memeriksa maklumat dan menentukan ianya sentiasa tepat dan lengkap;
- (iii) Menentukan maklumat sedia untuk digunakan;
- (iv) Menjaga kerahsiaan maklumat; dan
- (v) Mematuhi langkah dan garis panduan keselamatan yang ditetapkan.

(d) Pengasingan

Setiap tugas, proses dan persekitaran pelaksanaan ICT hendaklah dipisahkan dan diasingkan sebaik mungkin untuk mengekalkan integriti dan perlindungan keselamatan daripada kesilapan dan penyalahgunaan. Pada tahap minimum, semua sistem ICT perlu mengekalkan persekitaran operasi yang berasingan seperti berikut:

- (i) Persekitaran pembangunan di mana sesuatu aplikasi dalam proses pembangunan;
- (ii) Persekitaran penerimaan iaitu peringkat di mana sesuatu aplikasi diuji; dan
- (iii) Persekitaran sebenar di mana aplikasi sedia untuk beroperasi.

(e) Pengauditan

Pengauditan adalah tindakan untuk mengenal pasti insiden atau keadaan yang mengancam keselamatan. Pengauditan adalah penting dalam menjamin akauntabiliti seperti berikut:

- (i) Mengesan pematuhan atau pelanggaran dasar keselamatan;
- (ii) Menyediakan catatan peristiwa mengikut urutan masa yang boleh digunakan untuk mengesan punca berlakunya pelanggaran dasar keselamatan; dan
- (iii) Menyediakan bahan bukti bagi menentukan sama ada berlakunya pelanggaran dasar keselamatan.

(f) Pematuhan

Prinsip ini penting untuk mengelak pelanggaran dasar melalui tindakan berikut:

- (i) Mewujudkan proses yang sistematik khususnya dalam menjamin keselamatan ICT untuk memantau dan menilai tahap pematuhan langkah-langkah keselamatan yang telah dikuatkuasakan;
- (ii) Merumuskan pelan pematuhan untuk menangani sebarang kelemahan atau kekurangan langkah-langkah keselamatan ICT yang dikenal pasti;
- (iii) Melaksanakan program pemantauan keselamatan secara berterusan untuk memastikan standard, prosedur dan garis panduan keselamatan dipatuhi; dan
- (iv) Menguatkuasakan amalan melaporkan sebarang peristiwa yang mengancam keselamatan ICT dan seterusnya mengambil tindakan pembetulan.

(g) Pemulihan

Pemulihan adalah untuk memastikan ketersediaan dan kebolehcapaian dengan meminimumkan gangguan atau kerugian akibat daripadanya adalah seperti berikut:

- (i) Merancang dan menguji Pelan Pemulihan Bencana (DRP); dan
- (ii) Melaksanakan amalan terbaik dalam pelaksanaan ICT.

(h) Saling Bergantung

Prinsip keselamatan adalah saling lengkap-melengkapi dan hendaklah dipatuhi bagi jaminan keselamatan yang berkesan. Tindakan mempelbagaikan pendekatan dalam menyusun strategi mekanisme keselamatan mampu meningkatkan tahap keselamatan.

1.5 Pemakaian

Dasar ini terpakai kepada semua kakitangan NRE dan juga pihak ketiga yang berurusan dengan NRE.

1.6 Semakan dan Pindaan

Dasar ini tertakluk kepada semakan dan pindaan dari semasa ke semasa selaras dengan perubahan teknologi, aplikasi, prosedur, perundangan dan kepentingan sosial. Setiap perubahan hendaklah mendapat pengesahan ICTSO. Perubahan yang melibatkan penambahan atau pemansuhan yang memberi impak ke atas keselamatan adalah dianggap perubahan utama dan hendaklah mendapat pengesahan JPICT NRE.

Prosedur semakan semula Dasar ini adalah seperti berikut:

- (a) Menyemak sekurang-kurangnya satu (1) kali setahun bagi mengenal pasti dan menentukan perubahan yang diperlukan;
- (b) Mengemukakan cadangan pindaan atau perubahan secara bertulis; dan
- (c) Memaklumkan pindaan atau perubahan dasar yang telah dipersetujui kepada semua pengguna.


2. ORGANISASI KESELAMATAN MAKLUMAT

Objektif:

Memastikan rangka kerja diwujudkan bagi menjamin pelaksanaan pengurusan keselamatan ICT yang sistematik dan berkesan.

2.1 Tanggungjawab Pengurusan Keselamatan ICT NRE

- (a) Ketua Setiausaha NRE bertanggungjawab untuk:
 - (i) Menetapkan arah tuju dan strategi untuk pelaksanaan keselamatan ICT NRE dan semua jabatan/ agensi di bawahnya;
 - (ii) Merancang, mengenal pasti dan mencadangkan sumber seperti kepakaran, tenaga kerja dan kewangan yang diperlukan bagi melaksanakan arah tuju dan strategi keselamatan ICT NRE dan semua jabatan/ agensi di bawahnya;
 - (iii) Merancang, menyelaras dan menyeragamkan pelaksanaan program/ projek-projek keselamatan ICT NRE dan jabatan/ agensi di bawahnya supaya selaras dengan Pelan Strategik ICT NRE;
 - (iv) Memastikan keperluan sumber bagi keselamatan ICT NRE adalah mencukupi; dan
 - (v) Memastikan pelaksanaan penilaian risiko keselamatan ICT NRE.
- (b) Ketua Pegawai Maklumat (CIO)
 - (i) Membantu Ketua Setiausaha dalam melaksanakan tugas-tugas yang melibatkan keselamatan ICT;
 - (ii) Menentukan keperluan dan bertanggungjawab ke atas perkara-perkara berkaitan dengan keselamatan ICT NRE; dan
 - (iii) Membangun dan menyelaras pelaksanaan program kesedaran dan latihan keselamatan ICT.

- 
- (c) Pegawai Keselamatan ICT (ICTSO)
- (i) Merancang, melaksana, mengurus dan memantau program keselamatan ICT NRE;
 - (ii) Menguatkuasakan DKICT NRE;
 - (iii) Memberikan penerangan dan pendedahan berkenaan DKICT NRE kepada pengguna;
 - (iv) Mewujudkan garis panduan dan prosedur selaras dengan keperluan DKICT NRE;
 - (v) Melaksanakan pengurusan risiko keselamatan ICT;
 - (vi) Melaksanakan pengauditan, mengkaji semula, merumus tindak balas pengurusan berdasarkan hasil penemuan dan menyediakan laporan mengenainya;
 - (vii) Memberikan amaran kepada agensi terhadap kemungkinan berlakunya ancaman keselamatan ICT seperti virus komputer dan penggadam serta memberi khidmat nasihat dan bantuan teknikal bagi menyediakan langkah perlindungan yang bersesuaian;
 - (viii) Melaporkan insiden keselamatan ICT kepada pengurusan NRE;
 - (ix) Bekerjasama dengan semua pihak yang berkaitan dalam menangani ancaman atau insiden keselamatan ICT dan memperakukan langkah penyelesaian atau pencegahan; dan
 - (x) Memberi perakuan tindakan tatatertib ke atas pengguna yang melanggar DKICT NRE.
- (d) Pengurus ICT
- (i) Memastikan kajian semula dan pelaksanaan kawalan keselamatan ICT selaras dengan keperluan NRE;
 - (ii) Melaporkan ancaman atau insiden keselamatan ICT kepada ICTSO;
 - (iii) Menentukan kawalan capaian pengguna terhadap aset ICT; dan
 - (iv) Memastikan penyimpanan rekod, bahan bukti dan laporan ancaman atau insiden keselamatan ICT NRE dilaksanakan dengan berkesan.

- (e) Pentadbir Sistem ICT
 - (i) Menjaga kerahsiaan maklumat keselamatan ICT;
 - (ii) Mengambil tindakan segera apabila dimaklumkan mengenai sebarang perubahan pengguna dalaman/ luaran/ asing berkaitan pengurusan ICT;
 - (iii) Menentukan pelaksanaan tahap capaian kemudahan ICT adalah bertepatan dengan arahan pemilik maklumat;
 - (iv) Memantau dan menyediakan laporan aktiviti penggunaan dan capaian pengguna;
 - (v) Mengenal pasti dan melaporkan aktiviti tidak normal berkaitan ICT kepada pengurus ICT; dan
 - (vi) Menyimpan dan menganalisis rekod jejak audit.
- (f) Pengguna Dalaman
 - (i) Membaca, memahami dan mematuhi DKICT NRE;
 - (ii) Menjaga kerahsiaan maklumat berkaitan penggunaan ICT;
 - (iii) Mengikuti dan menghayati program kesedaran keselamatan ICT;
 - (iv) Menandatangani Akuan Pematuhan DKICT NRE seperti di **LAMPIRAN A** atau yang setara dengannya; dan
 - (v) Melaporkan aktiviti yang tidak normal berkaitan ICT kepada BPM NRE.

2.2 Struktur Pengurusan Keselamatan ICT

Struktur organisasi formal diwujudkan untuk mengurus dan mematuhi keselamatan ICT NRE seperti berikut:

- (a) Komitmen pengurusan atasan ke atas keselamatan ICT dilaksanakan dengan aktif dan telus;
- (b) Tanggungjawab yang jelas dan jalinan perhubungan/ komunikasi dengan semua pengguna dalam pengurusan keselamatan ICT;
- (c) Keperluan untuk pengurusan kerahsiaan maklumat dikenal pasti, di laksana dan dikaji secara berkala; dan

- (d) Memastikan kajian semula ke atas keselamatan maklumat dijalankan mengikut peraturan yang ditetapkan.

2.3 Jawatankuasa Keselamatan dan Operasi ICT

Peranan dan tanggungjawab Jawatankuasa Keselamatan dan Operasi ICT NRE adalah seperti berikut:

- (a) Merancang, melaksana, menyemak dan memantau dasar, strategi dan pelan tindakan operasi dan keselamatan ICT NRE;
- (b) Merancang, melaksana, menyelaras dan memantau pengurusan operasi dan keselamatan ICT NRE;
- (c) Merancang, melaksana, menyelaras dan memantau pelaksanaan pelan tindakan komunikasi dan operasi ICT bagi kementerian dan jabatan/ agensi yang berkenaan; dan
- (d) Melaporkan kemajuan, penyelarasan dan pemantauan keselamatan ICT dan pelaksanaan pelan tindakan komunikasi dan operasi ICT kepada JPICT NRE.

2.4 Juruaudit

- (a) Mengkaji dan menilai kawalan ke atas pematuhan dan pemantauan keselamatan ICT berdasarkan dasar, standard dan prosedur keselamatan maklumat; dan
- (b) Menilai kawalan pengurusan keselamatan aset ICT.

2.5 Penasihat Undang-undang

- (a) Menyediakan khidmat nasihat perundangan bagi memastikan aktiviti ICT NRE dapat dijalankan sepenuhnya berdasarkan undang-undang dan peraturan yang berkuat kuasa;
- (b) Menyediakan khidmat nasihat perundangan bagi melindungi aset ICT, sumber dan kakitangan NRE terhadap pelbagai risiko perundangan;
- (c) Menyediakan khidmat nasihat perundangan bagi memastikan aktiviti NRE dapat dijalankan sepenuhnya berdasarkan undang-undang dan peraturan yang berkuat kuasa;
- (d) Memberi khidmat nasihat dan bantuan perundangan dalam pengurusan kontrak termasuk urusan penyediaan, kajian semula, penyelesaian

pertikaian, melaksanakan tindakan perundangan ke atas pihak yang berkenaan dan menyelaraskan urusan tindakan perundangan ke atas NRE (sekiranya ada);

- (e) Menyediakan khidmat nasihat perundangan bagi melindungi aset, sumber dan kakitangan NRE terhadap pelbagai risiko perundangan;
- (f) Menyedia dan menyemak kontrak dengan menyediakan terma dan syarat yang bersesuaian bagi memastikan aktiviti NRE yang dilaksanakan mengikut undang-undang dan peraturan; dan
- (g) Menyediakan khidmat nasihat tindakan perundangan yang sah ke atas individu, firma, syarikat, pertubuhan atau perundingan yang melanggar pelaksanaan sesuatu kontrak.

2.6 Pengurus Sumber Manusia

- (a) Memaklumkan dasar, polisi, pekeliling dan garis panduan pengurusan sumber manusia berkaitan dengan ICT;
- (b) Menyediakan khidmat sokongan pentadbiran bagi urusan menyimpan dan menyelenggarakan maklumat pengurusan sumber manusia berkaitan dengan ICT dengan mematuhi peraturan, undang-undang dan polisi yang berkuat kuasa;
- (c) Memaklumkan sebarang pertukaran, perpindahan, persaraan dan atau penamatan perkhidmatan kakitangan kepada pentadbir sistem ICT;
- (d) Menyelaraskan urusan tata tertib dan perkhidmatan sumber manusia; dan
- (e) Menghebahkan dasar, polisi, pekeliling dan garis panduan yang berkaitan dengan perjawatan, penilaian prestasi, kemajuan kerjaya, skim gaji dan perkara-perkara lain yang berkaitan dengan perjawatan.

2.7 Pihak Ketiga

- (a) Menjaga kerahsiaan maklumat berkaitan penggunaan ICT;
- (b) Menandatangani perakuan pematuhan keselamatan yang ditetapkan oleh Kerajaan Malaysia atau peraturan yang setara/ berkaitan yang berkuat kuasa;
- (c) Melaporkan aktiviti yang tidak normal berkaitan ICT kepada BPM NRE; dan
- (d) Mendapatkan kelulusan untuk menggunakan kemudahan ICT NRE.

3. PENGURUSAN ASET

Objektif:

Memastikan setiap aset hendaklah dikenal pasti, di kelas, di rekod dan di selenggara untuk memberikan perlindungan keselamatan yang bersesuaian ke atas semua aset ICT.

3.1 Tanggungjawab Terhadap Aset

Semua aset ICT di NRE mestilah diuruskan mengikut peraturan dan tatacara yang berkuat kuasa. Setiap aset ICT hendaklah didaftarkan. Ketua jabatan atau ketua bahagian adalah bertanggung jawab mengenal pasti pemilik aset ICT tersebut.

Semua aset ICT yang dimiliki atau digunakan oleh setiap bahagian/ seksyen/ unit hendaklah diberikan kawalan dan tahap perlindungan yang sesuai oleh ketua bahagian/ seksyen/ unit mengikut peraturan yang berkuat kuasa seperti berikut:

- (a) Pemilik aset hendaklah menentukan tahap sensitiviti (terperingkat) yang bersesuaian bagi setiap maklumat aset di NRE. Pemilik aset juga hendaklah membuat keputusan dalam menentukan individu yang dibenarkan untuk capaian dan penggunaan maklumat tersebut.
- (b) Pentadbir aset ICT adalah bertanggungjawab untuk menentukan prosedur kawalan khas (contohnya: kawalan capaian), kaedah pelaksanaan dan penyelenggaraan serta menyediakan langkah pemulihan yang konsisten dengan arahan pemilik aset;
- (c) Semua pengguna aset ICT di NRE mestilah mematuhi keperluan kawalan yang telah ditetapkan oleh pemilik aset atau pentadbir sistem. Pengguna adalah terdiri daripada kakitangan NRE (lantikan tetap, pinjaman, kontrak dan sambilan), konsultan, kontraktor atau pihak ketiga yang terlibat secara langsung; dan
- (d) Kehilangan/ kecurian aset ICT mestilah dilaporkan serta merta mengikut prosedur pengurusan kehilangan/ kecurian aset berpandukan Arahan Perbendaharaan yang telah ditetapkan.

Senarai maklumat aset di NRE hendaklah diwujudkan. Setiap aset perlu ditentukan dengan jelas dan pemilikan aset mestilah dipersetujui dan didokumenkan berserta lokasi semasa aset tersebut. Senarai aset hendaklah disimpan oleh ketua jabatan atau ketua bahagian. Setiap pengguna adalah bertanggungjawab terhadap apa-apa kekurangan, kerosakan atau kehilangan aset ICT di bawah tanggungannya.

3.2 Pengelasan, Pelabelan dan Pengendalian Maklumat

(a) Pengelasan Maklumat

Pengelasan maklumat bertujuan memastikan setiap maklumat diberi perlindungan oleh pemilik aset untuk menentukan keperluan, keutamaan dan tahap keselamatan berdasarkan peraturan yang berkuat kuasa seperti berikut:

- (i) Rahsia Besar;
- (ii) Rahsia;
- (iii) Sulit; dan
- (iv) Terhad.

(b) Pelabelan dan Pengendalian Maklumat

Semua maklumat mestilah dilabelkan mengikut klasifikasi maklumat seperti yang dinyatakan pada para 3.2 (a).

Aktiviti yang melibatkan pemprosesan maklumat seperti penyalinan, penyimpanan, penghantaran (sama ada dari segi lisan, pos, faksimile dan mel elektronik) dan pemusnahan maklumat mestilah mengikut standard, prosedur, langkah dan garis panduan keselamatan yang ditetapkan.

Maklumat yang diklasifikasikan sebagai Rahsia Besar, Rahsia, Sulit dan Terhad perlu dilindungi daripada didedahkan kepada pihak ketiga atau awam. Pihak ketiga jika perlu boleh diberi kebenaran capaian maklumat NRE atas dasar perlu tahu sahaja dan mestilah mendapat kebenaran daripada NRE.

4. KESELAMATAN SUMBER MANUSIA

Objektif:

Memastikan semua pihak yang terlibat dalam pengurusan dan penggunaan ICT hendaklah bertanggungjawab dan memahami peranan masing-masing mengikut peraturan berkaitan keselamatan ICT yang berkuat kuasa.

4.1 Sebelum Berkhidmat

Semua pihak terlibat di dalam pengurusan dan atau penggunaan aset ICT hendaklah bertanggungjawab dan mematuhi perkara berikut:

- (a) Menyatakan dengan lengkap dan jelas peranan dan tanggungjawab dalam menjamin keselamatan aset ICT sebelum, semasa dan selepas perkhidmatan;
- (b) Menjalankan tapisan keselamatan selaras dengan keperluan perkhidmatan mengikut peraturan sedia ada; dan
- (c) Mematuhi semua terma dan syarat perkhidmatan yang ditawarkan dan peraturan semasa yang berkuat kuasa berdasarkan perjanjian yang telah ditetapkan.

4.2 Dalam Perkhidmatan

Semua pihak yang terlibat dalam pengurusan dan atau penggunaan aset ICT hendaklah bertanggungjawab dan mematuhi perkara berikut:

- (a) Mengurus keselamatan aset ICT yang dibenarkan mengikut peraturan yang ditetapkan;
- (b) Memastikan tindakan disiplin dan atau undang-undang dilaksanakan sekiranya berlaku pelanggaran peraturan yang ditetapkan;
- (c) Memastikan tanggungjawab dan peranan dalam pengurusan keselamatan ICT dinyatakan dalam senarai tugas;
- (d) Mengikuti latihan pengurusan keselamatan ICT berdasarkan keperluan; dan
- (e) Mengikuti program kesedaran keselamatan ICT secara berkala sekurang-kurangnya satu (1) kali setahun.

4.3 Latihan

Semua kakitangan NRE haruslah diberi latihan yang bersesuaian dan berterusan dalam semua aspek kritikal yang berkaitan dengan tugas mereka seperti keselamatan, pentadbiran sistem dan rangkaian, teknik pengaturcaraan dan sebagainya. Setiap kakitangan NRE bertanggungjawab mengenal pasti latihan yang diperlukan. Ketua Jabatan atau Ketua Bahagian bertanggungjawab mengkaji semula keperluan latihan untuk setiap kakitangan di bawahnya.

Program kesedaran keselamatan maklumat juga perlu dilaksanakan secara berterusan sebagai langkah peringatan kepada kakitangan NRE akan kepentingan keselamatan aset NRE.

4.4 Keselamatan ICT Dalam Senarai Tugas

Peranan dan tanggungjawab dalam keselamatan ICT hendaklah didokumenkan di dalam senarai tugas.

Senarai tugas mesti mengandungi perkara berikut:

- (a) Tanggungjawab kakitangan;
- (b) Hubungan dengan pegawai atasan; dan
- (c) Tanggungjawab kakitangan dalam keselamatan ICT.

5. KESELAMATAN FIZIKAL DAN PERSEKITARAN

Objektif:

Memastikan premis dan kemudahan ICT ditempatkan di kawasan yang selamat dan dilindungi daripada sebarang ancaman fizikal dan persekitaran.

5.1 Tanggungjawab Keselamatan Fizikal dan Persekitaran

Ketua Setiausaha bertanggungjawab untuk melaksanakan langkah-langkah keselamatan yang perlu bagi mengesan, mencegah dan menghalang pencerobohan ke atas premis dan kawasan yang menempatkan kemudahan ICT berdasarkan peraturan yang berkuat kuasa.

5.2 Kawalan Kawasan Terperingkat

Kawasan terperingkat adalah premis yang dilengkapi dengan sistem keluar masuk.

Perkara-perkara yang perlu dipatuhi adalah seperti berikut:

- (a) Menggunakan parameter keselamatan (halangan seperti dinding, pagar kawalan, pengawal keselamatan) untuk melindungi kawasan yang mengandungi maklumat dan kemudahan pemprosesan maklumat;
- (b) Melindungi kawasan terhad melalui kawalan keluar masuk yang bersesuaian bagi memastikan kakitangan yang diberi kebenaran sahaja boleh melalui pintu masuk ini;
- (c) Melaksana perlindungan fizikal dan menyediakan garis panduan untuk semua yang bekerja di dalam kawasan terhad;
- (d) Memastikan kawasan-kawasan penghantaran dan pemunggahan serta tempat-tempat lain dikawal dari pihak yang tidak diberi kebenaran memasukinya;
- (e) Pusat data yang tiada pengawal mestilah dikunci. Kakitangan sokongan teknikal daripada pihak ketiga hanya dibenarkan memasuki pusat data sekiranya perlu dan kehadiran mereka mestilah direkodkan, disahkan, diiringi dan diawasi oleh pentadbir sistem;
- (f) Aktiviti mengambil gambar, merakam video, merekodkan suara atau penggunaan peralatan yang seumpamanya tidak dibenarkan di dalam pusat data kecuali dengan kebenaran ICTSO;

- (g) Peralatan/ media perakaman/ storan/ komunikasi adalah tidak dibenarkan dibawa masuk ke dalam pusat data; dan
- (h) Individu yang tidak mempunyai pengenalan diri, pengenalan diri terlindung atau gagal mengemukakan pengenalan diri yang sah perlu diiringi ke kaunter khidmat pelanggan dengan segera.

5.3 Bertukar atau Tamat Perkhidmatan

Semua pihak yang telah terlibat dalam pengurusan dan atau penggunaan aset ICT hendaklah bertanggungjawab dan mematuhi perkara berikut:

- (a) Memastikan semua aset ICT dikembalikan kepada NRE mengikut peraturan dan atau terma perkhidmatan yang ditetapkan; dan
- (b) Membatalkan atau menarik balik semua kebenaran capaian ke atas aset ICT mengikut peraturan yang ditetapkan.

5.4 Keselamatan Peralatan ICT dan Dokumen

Melindungi peralatan ICT dan dokumen daripada kehilangan, kerosakan, kecurian atau kompromi ke atas aset ICT dan gangguan ke atas sistem penyampaian agensi.

Perkara-perkara yang perlu dipatuhi adalah seperti berikut:

- (a) Peralatan ICT
 - (i) Menempatkan dan mengawal peralatan ICT supaya risiko ancaman dan bencana dari persekitaran serta percubaan mencero boh oleh pihak yang tidak diberi kebenaran dapat dikurangkan; dan
 - (ii) Semua cadangan pengubahsuaian, pembelian, penempatan dan pemindahan peralatan ICT hendaklah dirujuk terlebih dahulu kepada ICTSO.

- (b) Dokumen

Bagi memastikan integriti, kerahsiaan dan ketersediaan maklumat serta pengurusan dokumentasi yang baik dan selamat seperti berikut hendaklah dipatuhi:

- (i) Memastikan sistem dokumentasi atau penyimpanan maklumat adalah selamat dan terjamin;

- (ii) Menggunakan tanda atau label keselamatan seperti rahsia besar, rahsia, sulit atau terhad pada dokumen;
 - (iii) Satu sistem pengurusan dokumen terperingkat hendaklah diwujudkan bagi menerima, memproses, menyimpan dan menghantar dokumen-dokumen tersebut supaya ianya diuruskan berasingan daripada dokumen-dokumen tidak terperingkat; dan
 - (iv) Menggunakan enkripsi ke atas dokumen terperingkat yang disediakan dan dihantar secara elektronik.
- (c) Media Storan/ Mudah Alih

Perlu dipastikan berada dalam keadaan yang baik, selamat, terjamin kerahsiaan, integriti dan ketersediaan untuk digunakan.

Langkah-langkah pencegahan yang perlu diambil adalah seperti berikut:

- (i) Menyediakan ruang penyimpanan yang baik dan mempunyai ciri-ciri keselamatan bersesuaian dengan kandungan maklumat;
- (ii) Mengehadkan capaian kepada pengguna yang dibenarkan sahaja;
- (iii) Sebarang pelupusan hendaklah merujuk kepada tatacara pelupusan; dan
- (iv) Mengadakan sistem pengurusan media termasuk inventori, pergerakan, pelabelan dan *backup/ restore*.

5.5 Prasarana Sokongan

- (a) Kawalan Persekitaran

Bagi menghindarkan kerosakan dan gangguan terhadap premis dan aset ICT, semua cadangan perolehan dan pengubahsuaian hendaklah dirujuk terlebih dahulu kepada pihak-pihak yang berkaitan.

Perkara yang perlu dipatuhi adalah seperti berikut:

- (i) Merancang dan menyediakan pelan keseluruhan pusat data termasuk ruang peralatan komputer, ruang percetakan dan ruang atur pejabat;
- (ii) Memasang peralatan perlindungan di tempat yang bersesuaian, mudah dikenali dan dikendalikan;

- (iii) Menyimpan bahan mudah terbakar di luar kawasan kemudahan penyimpanan aset ICT;
- (iv) Meletakkan semua bahan cecair di tempat yang bersesuaian dan berjauhan dari aset ICT khususnya di dalam pusat data;
- (v) Dilarang merokok atau menggunakan peralatan memasak seperti cerek elektrik berhampiran peralatan komputer;
- (vi) Menyemak dan menguji semua peralatan perlindungan sekurang-kurangnya dua (2) kali setahun. Aktiviti dan keputusan ujian perlu direkodkan bagi tujuan rujukan dan tindakan;
- (vii) Mematuhi peraturan yang telah ditetapkan oleh pihak berkuasa seperti Jabatan Bomba dan Penyelamat, Jabatan Kerja Raya dan sebagainya; dan
- (viii) Melengkapkan premis dengan sistem penggera kebakaran automatik. Pemasangan sistem pengesan kebakaran perlu mendapat kelulusan pihak berkuasa tempatan serta perlu diperiksa dan di selenggara secara berkala sekurang-kurangnya satu (1) kali setahun. Alat pemadam api mudah alih perlu diletakkan di tempat yang strategik dan tidak terlindung. Langkah-langkah penggunaan peralatan juga perlu dipaparkan.

(b) Bekalan Kuasa

- (i) Melindungi semua peralatan ICT dari kegagalan bekalan elektrik dengan menyalurkan bekalan kuasa yang bersesuaian;
- (ii) Menggunakan peralatan sokongan seperti UPS dan penjana (*generator*) bagi perkhidmatan kritikal seperti di bilik *server* supaya mendapat bekalan kuasa berterusan; dan
- (iii) Menyemak dan menguji semua peralatan sokongan bekalan kuasa secara berjadual.

(c) Prosedur Kecemasan

- (i) Memastikan setiap pengguna membaca, memahami dan mematuhi prosedur kecemasan yang ditetapkan oleh Pegawai Keselamatan NRE;
- (ii) Melaporkan insiden kecemasan persekitaran kepada Pegawai Keselamatan NRE;

- (iii) Mengadakan, menguji dan mengemas kini pelan kecemasan dari semasa ke semasa; dan
 - (iv) Mengadakan latihan kecemasan bencana satu (1) kali setahun.
- (d) Keselamatan Rangkaian
- Kabel elektrik dan telekomunikasi yang menyalurkan data atau menyokong sistem penyampaian perkhidmatan hendaklah dilindungi daripada pencerobohan dan kerosakan.
- Langkah-langkah keselamatan yang perlu diambil termasuklah seperti berikut:
- (i) Menggunakan kabel mengikut spesifikasi yang telah ditetapkan;
 - (ii) Melindungi kabel daripada kerosakan;
 - (iii) Melindungi laluan pemasangan kabel sepenuhnya bagi mengelakkan ancaman kerosakan dan *wire tapping*; dan
 - (iv) Membuat pelabelan kabel.

5.6 Penyelenggaraan Peralatan

Peralatan hendaklah disenggara berdasarkan peraturan-peraturan semasa bagi memastikan ketersediaan, kerahsiaan dan integriti.

Langkah-langkah keselamatan yang perlu diambil termasuklah seperti berikut:

- (a) Mematuhi spesifikasi yang ditetapkan oleh pengeluar bagi semua perkakasan yang di selenggara;
- (b) Memastikan peralatan hanya di selenggara oleh kakitangan atau pihak yang dibenarkan sahaja;
- (c) Menyemak dan menguji semua peralatan sebelum dan selepas proses penyelenggaraan; dan
- (d) Memaklumkan pihak pengguna sebelum melaksanakan penyelenggaraan mengikut jadual yang ditetapkan atau atas keperluan.

5.7 Peminjaman Peralatan

Peralatan yang dipinjam hendaklah mendapat kelulusan mengikut peraturan yang telah ditetapkan oleh NRE.

Langkah-langkah perlu diambil termasuklah seperti berikut:

- (a) Mendapatkan kelulusan mengikut peraturan yang telah ditetapkan oleh NRE bagi membawa keluar peralatan bagi tujuan yang dibenarkan;
- (b) Melindungi dan mengawal peralatan sepanjang masa;
- (c) Merekodkan aktiviti peminjaman dan pemulangan peralatan; dan
- (d) Menyemak peralatan ketika peminjaman dan pemulangan dilakukan.

5.8 Pengendalian Peralatan Luar yang Dibawa Masuk/ Keluar

Langkah keselamatan yang perlu diambil dalam mengendalikan peralatan luar yang dibawa masuk/ keluar adalah seperti berikut:

- (a) Memastikan peralatan yang dibawa masuk/ keluar tidak mengancam keselamatan ICT NRE; dan
- (b) Mendapatkan kelulusan agensi mengikut peraturan yang telah ditetapkan.

5.9 Pelupusan Peralatan

Peralatan ICT yang hendak dilupuskan perlu melalui prosedur pelupusan semasa. Pelupusan perlu dilakukan secara terkawal dan lengkap supaya maklumat tidak terlepas daripada kawalan Kerajaan.

Langkah-langkah hendaklah diambil termasuklah menghapuskan semua kandungan peralatan khususnya maklumat rahsia rasmi sebelum dilupuskan.

5.10 *Clear Desk* dan *Clear Screen*

Clear Desk bermaksud tidak mendedahkan sebarang maklumat sensitif di tempat kerja. Manakala *Clear Screen* bermaksud tidak memaparkan sebarang maklumat sensitif di atas skrin atau yang seumpama dengannya tanpa pengawasan.

Langkah keselamatan yang perlu diambil dalam melindungi maklumat sensitif daripada mengalami kerosakan, kecurian dan kehilangan adalah seperti berikut:

- (a) Menggunakan kemudahan seperti *password screen saver* atau *log off* apabila komputer tidak digunakan bagi tempoh tertentu, komputer akan *log off* secara automatik;

- (b) Menyimpan bahan-bahan sensitif di dalam laci atau kabinet fail yang berkunci; dan
- (c) Memastikan semua dokumen diambil segera daripada pencetak, pengimbas, mesin faksimile dan mesin fotostat.

5.11 Melaporkan Kehilangan atau Kecurian Pas Keselamatan, Kad Pengenalan Jabatan, Kad Kuasa dan Kad Pelantikan

Kehilangan atau kecurian pas keselamatan, kad pengenalan jabatan, kad kuasa dan kad pelantikan mestilah dilaporkan serta merta oleh pemilik pas/ kad kepada pihak yang mengeluarkannya seperti Bahagian Pentadbiran dan Kewangan (BPKN) dan Pejabat Ketua Pegawai Keselamatan Kerajaan Malaysia (PKPKKM).

6. PENGURUSAN OPERASI DAN KOMUNIKASI

Objektif:

Memastikan kemudahan pemrosesan maklumat dan komunikasi berfungsi dengan baik dan selamat.

6.1 Pengendalian Prosedur

Perkara-perkara yang perlu dipatuhi adalah seperti berikut:

- (a) Semua prosedur operasi yang diwujudkan, dikenal pasti dan diguna pakai hendaklah didokumenkan, disimpan dan dikawal;
- (b) Setiap prosedur mestilah mengandungi arahan-arahan yang jelas, teratur dan lengkap seperti keperluan kapasiti, pengendalian dan pemrosesan maklumat, pengendalian dan penghantaran ralat, pengendalian output, bantuan teknikal dan pemulihan sekiranya pemrosesan tergendala atau terhenti; dan
- (c) Semua prosedur hendaklah dikemas kini dari semasa ke semasa atau mengikut keperluan.

6.2 Pengurusan Penyampaian Perkhidmatan

Perkara-perkara yang mesti dipatuhi termasuk yang berikut:

- (a) Memastikan pelaksanaan dan penyelenggaraan tahap keselamatan maklumat dan penyampaian perkhidmatan yang sesuai selaras dengan perjanjian perkhidmatan dengan pembekal, pakar runding dan pihak-pihak lain;
- (b) Memastikan kawalan keselamatan, definisi perkhidmatan dan tahap penyampaian yang terkandung dalam perjanjian dipatuhi, dilaksanakan dan disenggarakan oleh pembekal, pakar runding dan pihak-pihak lain;
- (c) Perkhidmatan, laporan dan rekod yang dikemukakan oleh pembekal, pakar runding dan pihak-pihak lain yang terlibat perlu sentiasa dipantau, disemak semula dan diaudit dari semasa ke semasa; dan

- (d) Pengurusan ke atas perubahan penyediaan perkhidmatan termasuk menyelenggarakan dan menambah baik polisi keselamatan, prosedur dan kawalan maklumat sedia ada, perlu mengambil kira tahap kritikal sistem dan proses yang terlibat serta penilaian semula risiko.

6.3 Perancangan dan Penerimaan Sistem

Perkara-perkara yang mesti dipatuhi termasuk yang berikut:

- (a) Penggunaan peralatan dan sistem mestilah dipantau, ditala (*tuned*) dan perancangan perlu dibuat bagi memenuhi keperluan kapasiti akan datang untuk memastikan prestasi sistem di tahap optimum;
- (b) Kriteria penerimaan untuk peralatan dan sistem baru, peningkatan dan versi baru perlu ditetapkan dan ujian yang sesuai ke atasnya perlu dibuat semasa pembangunan dan sebelum penerimaan sistem; dan
- (c) Semua urusan penerimaan dan ujian hendaklah direkodkan dengan jelas dan teratur bagi mengurangkan risiko kegagalan sistem.

6.4 Pengurusan dan Kawalan Perubahan

Perkara-perkara yang perlu dipatuhi adalah seperti berikut:

- (a) Perubahan atau pengubahsuaian yang melibatkan perkakasan, sistem untuk pemrosesan maklumat, perisian, dan prosedur mestilah mendapat kebenaran daripada pegawai atasan atau pemilik aset ICT terlebih dahulu;
- (b) Aktiviti-aktiviti seperti memasang, menyelenggarakan, menghapus dan mengemas kini mana-mana komponen sistem ICT hendaklah dikendalikan oleh pihak atau pegawai yang diberi kuasa dan mempunyai pengetahuan atau terlibat secara langsung dengan aset ICT berkenaan;
- (c) Semua aktiviti pengubahsuaian komponen sistem ICT hendaklah mematuhi spesifikasi perubahan yang telah ditetapkan;
- (d) Semua aktiviti perubahan atau pengubahsuaian hendaklah di rekod dan dikawal bagi mengelakkan berlakunya ralat sama ada secara sengaja atau pun tidak; dan
- (e) Semakan ke atas perubahan yang telah dilaksanakan mestilah dibuat dalam tempoh enam (6) bulan setelah selesai pelaksanaan sebagai sebahagian daripada proses audit dan pengurusan prestasi.

6.5 Perlindungan Dari *Malicious* dan *Mobile Code*

Mobile code ditafsirkan sebagai kod perisian yang dipindahkan dari komputer kepada komputer lain dan melaksanakan secara automatik fungsi-fungsi tertentu dengan sedikit atau tanpa interaksi daripada pengguna.

Bagi tujuan perlindungan dari *malicious* dan *mobile code*, perkara yang mesti dipatuhi adalah seperti berikut:

- (a) Kawalan pencegahan, pengesanan dan pemulihan untuk melindungi integriti maklumat dan perisian daripada ancaman *malicious code* seperti *viruses*, *worms*, *trojan horses* dan *logic bombs*;
- (b) Dalam keadaan di mana *mobile code* dibenarkan, konfigurasinya hendaklah memastikan bahawa ianya beroperasi berdasarkan kepada dasar keselamatan yang jelas dan penggunaan *mobile code* yang tidak dibenarkan adalah dilarang sama sekali;
- (c) Semua penggunaan perisian hendaklah mematuhi lesen perisian dan disahkan oleh Ketua Jabatan/ Ketua Bahagian. Ketua Seksyen haruslah dimaklumkan jika terdapat keperluan penggunaan perisian percuma (*freeware*) untuk tugas-tugas yang berkaitan;
- (d) Kakitangan dilarang memuat turun sebarang fail atau perisian daripada sumber yang tidak diketahui (sama ada dari rangkaian luar atau sebarang media) melainkan telah diimbis bagi memastikan ianya bebas dari kod yang mencurigakan sebelum digunakan;
- (e) Penggunaan media mudah alih mestilah dikawal di dalam pusat data. Penggunaan media tersebut hanya dibenarkan untuk melaksanakan kerja yang berkaitan sahaja;
- (f) Memasang sistem keselamatan untuk mengesan perisian atau program berbahaya seperti antivirus, *Intrusion Detection System (IDS)* dan *Intrusion Prevention System (IPS)* serta mengikut prosedur penggunaan yang betul dan selamat;
- (g) Mengimbis semua perisian atau sistem dengan antivirus sebelum menggunakannya;
- (h) Mengemas kini *patches* antivirus yang terkini;
- (i) Menyemak kandungan sistem atau maklumat secara berkala bagi mengesan aktiviti yang tidak diingini seperti kehilangan dan kerosakan maklumat;

- (j) Menghadiri sesi kesedaran mengenai ancaman perisian berbahaya dan cara mengendalikannya;
- (k) Memasukkan klausa tanggungan di dalam kontrak yang telah ditawarkan kepada pembekal perisian. Klausa ini bertujuan untuk tuntutan baik pulih sekiranya perisian tersebut mengandungi program berbahaya;
- (l) Mengadakan program dan prosedur jaminan kualiti ke atas semua perisian yang dibangunkan; dan
- (m) Memberi amaran mengenai ancaman keselamatan ICT seperti serangan virus.

6.6 ***Backup dan Restore***

Bagi memastikan sistem dapat dibaik pulih semula setelah berlakunya bencana, *backup* hendaklah dilakukan setiap kali konfigurasi berubah.

Perkara-perkara yang perlu dipatuhi adalah seperti berikut:

- (a) Membuat *backup* dan *restore* ke atas semua sistem perisian dan aplikasi sekurang-kurangnya sekali atau setelah mendapat versi terbaru bagi mengekalkan integriti, kesediaan dan kemudahan pemprosesan maklumat;
- (b) Membuat *backup* ke atas semua data dan maklumat mengikut keperluan operasi menyimpan sekurang-kurangnya tiga (3) generasi *backup*. Kekerapan *backup* bergantung pada tahap kritikal maklumat;
- (c) Membuat dan menguji secara berkala sistem *backup* dan prosedur *restore* sedia ada bagi memastikan ia dapat berfungsi dengan sempurna, boleh dipercayai dan berkesan apabila digunakan khususnya pada waktu kecemasan; dan
- (d) Merekodkan dan menyimpan salinan *backup* di premis yang berbeza dan selamat.

6.7 Pengurusan Keselamatan Rangkaian

Perkara-perkara yang mesti dipatuhi termasuk yang berikut:

- (a) Memastikan perlindungan keselamatan maklumat dalam rangkaian serta infrastruktur sokongan;
- (b) Rangkaian perlu dikawal, dipantau dan diurus sebaiknya, bertujuan untuk mengawal daripada sebarang ancaman bagi menjamin keselamatan sistem dan aplikasi yang menggunakan rangkaian, termasuk maklumat yang dipindahkan melaluinya; dan
- (c) Ciri-ciri keselamatan, tahap perkhidmatan dan keperluan pengurusan bagi semua perkhidmatan rangkaian perlu dikenal pasti dan dimasukkan dalam mana-mana perjanjian perkhidmatan rangkaian sama ada perkhidmatan berkenaan disediakan secara dalaman atau melalui khidmat luar.

6.8 Pengendalian Peralatan Penyimpanan Maklumat

Perkara-perkara yang mesti dipatuhi termasuk yang berikut:

- (a) Memastikan tidak berlaku pendedahan, pengubahsuaian, peralihan atau pemusnahan aset secara tidak sah, yang boleh mengganggu aktiviti perkhidmatan;
- (b) Prosedur perlu disediakan untuk pengurusan peralatan penyimpanan maklumat mudah alih;
- (c) Peralatan penyimpanan maklumat yang tidak digunakan perlu dilupuskan secara selamat mengikut prosedur yang telah ditetapkan;
- (d) Prosedur untuk mengendali dan menyimpan maklumat perlu diwujudkan untuk melindungi maklumat daripada didedah tanpa kebenaran atau disalah guna; dan
- (e) Dokumentasi sistem perlu dilindungi daripada capaian yang tidak dibenarkan.

6.9 Pertukaran Maklumat

Perkara-perkara yang mesti dipatuhi termasuk yang berikut:

- (a) Polisi, prosedur dan kawalan pertukaran maklumat yang rasmi perlu diwujudkan untuk melindungi pertukaran maklumat melalui penggunaan pelbagai jenis kemudahan komunikasi dalam agensi dan mana-mana pihak terjamin;
- (b) Perjanjian perlu diwujudkan untuk pertukaran maklumat dan perisian di antara agensi dengan pihak luar;
- (c) Media yang mengandungi maklumat perlu dilindungi daripada capaian yang tidak dibenarkan, penyalahgunaan atau kerosakan semasa pemindahan keluar dari agensi;
- (d) Maklumat yang terdapat dalam mel elektronik perlu dilindungi sebaik-baiknya; dan
- (e) Polisi dan prosedur perlu dibangunkan dan dilaksanakan bagi melindungi maklumat yang berhubung kait dengan sistem maklumat agensi.

6.10 Perkhidmatan e-Dagang (*e-Commerce*)

Perkara-perkara yang mesti dipatuhi termasuk yang berikut:

- (a) Maklumat yang terlibat dalam e-dagang perlu dilindungi daripada aktiviti penipuan, pertikaian kontrak dan pendedahan serta pengubahsuaian yang tidak dibenarkan dalam memastikan keselamatan perkhidmatan e-dagang dan penggunaannya;
- (b) Maklumat yang terlibat dalam transaksi dalam talian (*online*) perlu dilindungi bagi mengelak penghantaran yang tidak lengkap, salah destinasi, pengubahsuaian, pendedahan, duplikasi atau pengulangan mesej yang tidak dibenarkan; dan
- (c) Integriti maklumat yang disediakan untuk sistem yang boleh dicapai oleh orang awam atau pihak lain yang berkepentingan hendaklah dilindungi untuk mencegah sebarang pindaan yang tidak diperakukan.

6.11 Pemantauan

Perkara-perkara yang mesti dipatuhi termasuk yang berikut:

- (a) Mengesan aktiviti pemprosesan maklumat yang tidak dibenarkan dan memastikan rekod log aktiviti tidak boleh diubahsuai dan dicapai oleh pihak yang tidak dibenarkan;
- (b) Log audit yang merekodkan semua aktiviti perlu dihasilkan dan disimpan untuk tempoh masa yang dipersetujui bagi membantu siasatan dan memantau kawalan capaian;
- (c) Prosedur untuk memantau penggunaan kemudahan memproses maklumat perlu diwujudkan dan hasilnya perlu dipantau secara berkala;
- (d) Aktiviti pentadbiran dan operator sistem perlu direkodkan;
- (e) Kesalahan, kesilapan dan atau penyalahgunaan perlu di rekod, dianalisis dan diambil tindakan sewajarnya; dan
- (f) Masa yang berkaitan dengan sistem pemprosesan maklumat dalam agensi atau domain keselamatan perlu diselaraskan dengan satu sumber masa yang dipersetujui.

6.12 Pengasingan Bidang Tugas

Ketua Bahagian/ Ketua Seksyen hendaklah memastikan pengasingan bidang tugas terutama bagi bidang tugas yang kritikal dan sensitif seperti pemantauan aktiviti, jejak audit dan pemantauan pengurusan bagi mengelakkan konflik dan pertindihan arahan.

Kawalan capaian secara logikal mestilah digunakan bagi membolehkan pemisahan bidang tugas dilaksanakan dan mengikut prinsip seperti berikut:

- (a) Kakitangan tidak boleh mempunyai capaian untuk melakukan pengemaskinian ke atas mana-mana sistem aplikasi yang sedang beroperasi kecuali setelah mendapat kelulusan; dan
- (b) Pembangun Sistem tidak dibenarkan mempunyai akses rutin ke atas data, sistem atau perisian aplikasi yang beroperasi.

6.13 Pengasingan Infrastruktur Operasi dan Pembangunan

Persekitaran perisian aplikasi yang sedang dibangunkan mestilah diasingkan daripada persekitaran perisian aplikasi yang beroperasi seperti berikut:

- (a) Sekiranya infrastruktur sedia ada membolehkan pengasingan tersebut, ia perlulah diasingkan secara fizikal dengan menggunakan sistem komputer yang berasingan; dan
- (b) Sekiranya persekitaran fizikal tidak boleh diasingkan, penggunaan direktori dan *library* dengan kawalan capaian yang sesuai perlu dilaksanakan.

6.14 Pelarasan Masa untuk Semua Sistem Di Dalam Pusat Data

Semua masa bagi sistem kritikal yang ditempatkan di dalam rangkaian dalaman NRE mesti diselaraskan menggunakan titik rujukan masa daripada *Coordinated Universal Time* (UTC).

7. KAWALAN CAPAIAN

Objektif:

Mengawal capaian maklumat.

7.1 Keperluan Kawalan Capaian

Capaian kepada proses dan maklumat hendaklah dikawal mengikut keperluan keselamatan dan fungsi kerja pengguna yang berbeza. Ia perlu direkodkan, dikemas kini dan menyokong dasar kawalan capaian pengguna sedia ada. Peraturan kawalan capaian hendaklah diwujudkan, didokumenkan dan dikaji semula berasaskan keperluan perkhidmatan dan keselamatan. Perkara-perkara yang perlu dipatuhi adalah seperti berikut:

- (a) Kawalan capaian ke atas aset ICT mengikut keperluan keselamatan dan peranan pengguna;
- (b) Kawalan capaian ke atas perkhidmatan rangkaian dalaman dan luaran;
- (c) Keselamatan maklumat yang dicapai menggunakan kemudahan atau peralatan mudah alih;
- (d) Kawalan ke atas kemudahan had capaian maklumat; dan
- (e) Pengguna perlu mematuhi amalan *clear desk* dan *clear screen*.

7.2 Kawalan Capaian Pengguna

Perkara-perkara yang perlu dipatuhi adalah termasuk:

- (a) Mewujudkan prosedur pendaftaran dan pembatalan kebenaran kepada pengguna untuk mencapai maklumat dan perkhidmatan;
- (b) Akaun pengguna adalah unik dan pengguna bertanggungjawab ke atas akaun tersebut selepas pengesahan penerimaan dibuat;
- (c) Akaun pengguna yang diwujudkan dan tahap capaian termasuk sebarang perubahan mestilah mendapat kebenaran secara bertulis dan direkodkan; dan
- (d) Pemilikan akaun dan capaian pengguna adalah tertakluk kepada peraturan NRE dan tindakan pengemaskinian dan atau pembatalan hendaklah diambil atas sebab seperti berikut:


- (i) Pengguna tidak hadir bertugas tanpa kebenaran melebihi dari tujuh (7) hari;
- (ii) Pengguna bercuti atau bertugas di luar pejabat mengikut peraturan yang berkuat kuasa;
- (iii) Pengguna bertukar jawatan, tanggungjawab dan atau bidang tugas. Pembatalan akan dilakukan di hari terakhir pertukaran tersebut berlaku (seperti yang dimaklumkan oleh pihak yang mengendalikan pengurusan sumber manusia);
- (iv) Pengguna yang sedang dalam prosiding dan atau dikenakan tindakan tatatertib oleh Pihak Berkuasa Tatatertib. Pembatalan akan dilakukan serta merta apabila dimaklumkan oleh pihak yang mengendalikan pengurusan sumber manusia; dan
- (v) Pengguna bertukar, berpindah, bersara dan atau tamat perkhidmatan. Pembatalan akan dilakukan berdasarkan tarikh arahan yang dikeluarkan oleh Bahagian Pengurusan Sumber Manusia (BPSM).

Aktiviti capaian oleh pengguna di rekod dan diselenggarakan dengan sistematik dari semasa ke semasa. Maklumat yang di rekod termasuk identiti pengguna, sumber yang digunakan, perubahan maklumat, tarikh, masa, rangkaian dilalui, aplikasi diguna dan aktiviti capaian secara sah atau sebaliknya.

7.3 Pengurusan Kata Laluan

Pemilihan, penggunaan dan pengurusan kata laluan sebagai laluan utama bagi mencapai maklumat dan data dalam sistem mestilah mematuhi amalan terbaik serta prosedur yang ditetapkan oleh NRE seperti berikut:

- (a) Pengguna tidak seharusnya menulis atau menyimpan kata laluan tanpa enkripsi di atas talian melainkan pada kes-kes tertentu di mana ia diperlukan oleh prosedur operasi seperti penyimpanan *root* ID dan kata laluan bagi sistem utama. Di dalam hal ini, kata laluan haruslah dilindungi dengan menggunakan mekanisme kawalan lain seperti menyimpan kata laluan di dalam laci berkunci dan menggunakan kata laluan yang berbeza bagi capaian berbeza;
- (b) Pengguna adalah tidak digalakkan mengguna kata laluan yang sama bagi kegunaan sistem di NRE mahupun sistem yang tidak terdapat di NRE;

- 
- (c) Pengguna hendaklah tidak mendedahkan kata laluan yang diguna pakai di NRE kepada sesiapa. Ini termasuklah ahli keluarga dan bukan ahli keluarga apabila melakukan kerja pejabat di rumah. Walau bagaimana pun, bagi ID kata laluan utama yang disimpan di dalam laci berkunci, harus diadakan satu proses mengenai tatacara memperoleh kata laluan berkenaan sekiranya berlaku ketidakhadiran pemegang kata laluan utama sewaktu ia diperlukan;
 - (d) Pengguna haruslah menyimpan kata laluan mereka dengan selamat dan tidak dibenarkan berkongsi akaun dengan pengguna lain. Pengguna yang disahkan adalah bertanggungjawab ke atas kerahsiaan dan keselamatan kata laluan dan akaun mereka;
 - (e) Penggunaan atribut *Remember Me* adalah tidak dibenarkan sama sekali. Sekiranya akaun atau kata laluan disyaki telah dicerobohi, maka laporan kejadian hendaklah dilaporkan kepada pasukan NRE *Computer Emergency Response Team* (NRECERT) dan tindakan menukar kata laluan perlu dilakukan;
 - (f) Sistem pengurusan kata laluan hendaklah menekankan pilihan kata laluan yang berkualiti. Kata laluan yang berkualiti antara lain mempunyai ciri-ciri seperti berikut:
 - (i) Gabungan minimum lapan (8) aksara yang mengandungi kombinasi antara huruf, nombor dan simbol (seperti: 0-9, a-z, A-Z, ! @ # \$ % ^ & * () - +).
 - (ii) Kata laluan yang ditentukan oleh pengguna hendaklah tidak digunakan semula. Pengguna haruslah tidak membina kata laluan yang sama atau seakan-akan serupa seperti mana yang pernah digunakan sebelum ini di tempat lain. Khususnya, lima (5) kata laluan yang pernah digunakan sebelum ini tidak digunakan semula; dan
 - (iii) Kesukaran untuk meneka kata laluan perlulah dipraktikkan. Kata laluan adalah bukan perkataan di dalam mana-mana bahasa, dialek, loghat dan sebagainya. Kata laluan tidak seharusnya berdasarkan maklumat peribadi, nama ahli keluarga dan seumpamanya.
 - (g) Kata laluan hendaklah ditukar dengan kerap berdasarkan syarat seperti berikut:
 - (i) Kata laluan untuk pentadbir sistem hendaklah ditukar sekurang-kurangnya setiap dua (2) bulan untuk ke semua sistem utama; dan

- (ii) Kata laluan untuk pengguna bagi mencapai perkhidmatan aplikasi yang disediakan oleh NRE hendaklah ditukar bagi setiap tiga (3) bulan.
- (h) Kata laluan hendaklah ditukar mengikut syarat seperti berikut:
 - (i) Daftar masuk kali pertama bagi pengguna baru;
 - (ii) Apabila terdapat kata laluan asal (*default*) yang telah disediakan di dalam sistem atau dibekalkan oleh pihak pembekal;
 - (iii) Setiap kali pengguna mengesyaki kata laluan telah diketahui oleh orang yang tidak dibenarkan; dan
 - (iv) Apabila hak capaian pengguna bertukar disebabkan perubahan tanggungjawab di dalam bidang tugas.

Nota: Keperluan seperti dinyatakan di atas adalah bergantung kepada keupayaan sistem yang digunakan.

7.4 Kawalan Capaian Rangkaian

Kawalan capaian perkhidmatan rangkaian hendaklah dijamin selamat dengan:

- (a) Menempatkan atau memasang antara muka yang bersesuaian di antara rangkaian NRE, rangkaian agensi lain dan rangkaian awam;
- (b) Mewujudkan dan menguatkuasakan mekanisme untuk pengesanan pengguna dan peralatan yang menepati kesesuaian penggunaannya;
- (c) Memantau dan menguatkuasakan kawalan capaian pengguna terhadap perkhidmatan rangkaian ICT;
- (d) Maklumat IP dalaman, konfigurasi dan reka bentuk dalaman setiap sistem di NRE mesti mempunyai kawalan capaian yang terhad bagi menghalang capaian dari luar NRE;
- (e) Semua rangkaian NRE mestilah mempunyai domain *logical* yang dipisahkan dan dilindungi dengan menggunakan perimeter keselamatan dan mekanisme kawalan capaian tertentu;
- (f) Untuk membolehkan NRE bertindak terhadap ancaman luar, semua aset ICT yang bersambung ke Internet mestilah dilindungi oleh IDS atau IPS;
- (g) Semua rangkaian dalaman NRE mesti melalui pusat kawalan capaian tertentu seperti *firewall* sebelum pengguna mencapai sistem NRE;

- (h) Semua *firewall* yang digunakan untuk melindungi rangkaian dalam NRE mesti beroperasi di dalam sistem yang tersendiri dan tidak boleh mempunyai operasi sistem selainnya; dan
- (i) Memastikan maklumat berkaitan reka bentuk dan konfigurasi sistem rangkaian NRE hanya terhad kepada pihak yang dibenarkan sahaja.

7.5 Kawalan Capaian Sistem Pengoperan

Kawalan capaian sistem pengoperan perlu bagi mengelakkan sebarang capaian yang tidak dibenarkan.

- (a) Kaedah-kaedah yang digunakan hendaklah mampu menyokong perkara-perkara berikut:
 - (i) Mengesahkan pengguna yang dibenarkan;
 - (ii) Mewujudkan jejak audit (audit trail) ke atas semua capaian sistem pengoperan terutama pengguna bertaraf super user;
 - (iii) Menjana amaran (alert) sekiranya berlaku pelanggaran ke atas peraturan keselamatan sistem;
 - (iv) Menyediakan kaedah yang sesuai untuk pengesahan capaian (authentication); dan
 - (v) Mengehaskan tempoh penggunaan mengikut kesesuaian.
- (b) Perkara-perkara yang perlu dipatuhi adalah seperti berikut:
 - (i) Mengawal capaian ke atas sistem pengoperan menggunakan prosedur *logon* yang terjamin;
 - (ii) Mewujudkan satu pengenalan diri (ID) yang unik untuk setiap pengguna dan hanya digunakan oleh pengguna berkenaan sahaja;
 - (iii) Mengehaskan dan mengawal penggunaan program utiliti yang berkemampuan mengatasi sebarang kawalan sistem dan aplikasi;
 - (iv) Menamatkan sesuatu sesi yang tidak aktif sekiranya tidak digunakan bagi satu tempoh yang ditetapkan; dan
 - (v) Mengehaskan tempoh sambungan ke sesuatu aplikasi berisiko tinggi.

7.6 Kawalan Capaian Aplikasi dan Maklumat

Bagi memastikan kawalan capaian sistem dan aplikasi adalah kukuh, perkara berikut hendaklah dipatuhi:

- (a) Pengguna hanya boleh menggunakan sistem maklumat dan aplikasi yang dibenarkan mengikut tahap capaian dan keselamatan maklumat yang telah ditentukan;
- (b) Setiap aktiviti capaian sistem maklumat dan aplikasi pengguna hendaklah direkodkan (sistem log);
- (c) Mengehadkan capaian sistem dan aplikasi kepada lima (5) kali percubaan. Sekiranya gagal, akaun atau kata laluan pengguna akan disekat;
- (d) Menyediakan mekanisme perlindungan bagi menghalang capaian tidak sah ke atas aplikasi dan maklumat; dan
- (e) Mewujudkan persekitaran pengkomputeran yang khusus dan terasing untuk sistem maklumat terperingkat (sulit/ rahsia).

7.7 Peralatan Mudah Alih dan Kerja Jarak Jauh

Perkara yang perlu dipatuhi bagi memastikan keselamatan peralatan mudah alih dan kerja jarak jauh terjamin adalah seperti berikut:

- (a) Memastikan bahawa tindakan keselamatan yang bersesuaian diambil kira untuk melindungi dari risiko penggunaan peralatan mudah alih dan kemudahan komunikasi;
- (b) Memastikan bahawa tindakan keselamatan yang bersesuaian diambil kira untuk memastikan persekitaran kerja jarak jauh adalah sesuai dan selamat;
- (c) Memastikan bahawa antivirus digunakan dan sentiasa dikemaskinikan untuk aset ICT;
- (d) Peralatan mudah alih hendaklah disimpan dan dikunci di tempat yang selamat apabila tidak digunakan; dan
- (e) Tindakan perlindungan hendaklah diambil bagi menghalang kehilangan peralatan, pendedahan maklumat dan capaian tidak sah serta salah guna kemudahan.

Untuk pegawai teknikal, komunikasi dari jarak jauh untuk mengendalikan sistem di dalam pusat data mestilah menggunakan *Virtual Private Network* (VPN).

7.8 Penggunaan Capaian Tanpa Wayar

Penggunaan capaian tanpa wayar adalah tidak dibenarkan. Sekiranya terdapat keperluan, kebenaran daripada BPM atau lain-lain pihak yang berkenaan adalah diperlukan.

7.9 Tanggungjawab Pengguna

Antara perkara-perkara yang perlu dipatuhi oleh pengguna adalah seperti berikut:

- (a) Mematuhi amalan terbaik pemilihan dan penggunaan kata laluan;
- (b) Memastikan kemudahan dan peralatan yang tidak digunakan mendapat perlindungan sewajarnya; dan
- (c) Mematuhi amalan polisi *clear desk* dan *clear screen*.

8. PEROLEHAN, PEMBANGUNAN DAN PENYELENGGARAAN SISTEM MAKLUMAT

Objektif:

Memastikan sistem yang dibangunkan sendiri atau pihak ketiga mempunyai ciri-ciri keselamatan ICT yang bersesuaian.

8.1 Keperluan Keselamatan Sistem Maklumat

Perkara-perkara yang perlu dipatuhi adalah seperti berikut:

- (a) Perolehan, pembangunan, penambahbaikan dan penyelenggaraan sistem hendaklah mengambil kira kawalan keselamatan bagi memastikan tidak wujudnya sebarang ralat yang boleh mengganggu pemprosesan dan ketepatan maklumat;
- (b) Ujian keselamatan hendaklah dijalankan ke atas sistem input untuk menyemak pengesahan dan integriti data yang dimasukkan, sistem pemprosesan untuk menentukan sama ada program berjalan dengan betul dan sempurna dan; sistem output untuk memastikan data yang telah diproses adalah tepat;
- (c) Aplikasi perlu mengandungi semakan pengesahan (*validation*) untuk mengelakkan sebarang kerosakan maklumat akibat kesilapan pemprosesan atau perlakuan yang disengajakan;
- (d) Semua sistem yang dibangunkan secara dalaman/ luaran hendaklah diuji sepenuhnya bagi memenuhi keperluan keselamatan yang telah ditetapkan; dan
- (e) Dokumentasi sistem yang lengkap dalam bentuk *hardcopy* dan *softcopy* perlu disimpan untuk rujukan.

8.2 Kawalan Kriptografi (*Cryptography*)

Kriptografi bermaksud sains penulisan kod rahsia yang membolehkan penghantaran dan storan data dalam bentuk yang hanya difahami oleh pihak yang tertentu sahaja.

Tindakan melindungi kerahsiaan, integriti dan kesahihan maklumat melalui kawalan kriptografi yang boleh dilakukan adalah seperti berikut:

- (a) Pengguna digalakkan membuat enkripsi dengan menukarkan teks biasa (*plain text*) kepada bentuk *cipher text* ke atas maklumat sensitif atau maklumat rahsia rasmi pada setiap masa;
- (b) Penggunaan tandatangan digital digalakkan kepada semua pengguna yang menguruskan transaksi maklumat rahsia rasmi secara elektronik; dan
- (c) Pengurusan ke atas *Public Key Infrastructure* (PKI) hendaklah dilakukan dengan berkesan dan selamat bagi melindungi kunci berkenaan daripada diubah, dimusnahkan dan didedahkan sepanjang tempoh sah kunci tersebut.

8.3 Kawalan Fail Sistem

Perkara-perkara yang perlu dipatuhi adalah seperti berikut:

- (a) Proses pengemaskinian fail sistem hanya boleh dilakukan oleh Pentadbir Sistem ICT atau pegawai yang berkenaan mengikut prosedur yang ditetapkan;
- (b) Kod atau atur cara sistem yang telah dikemas kini hanya boleh dilaksanakan atau digunakan selepas diuji;
- (c) Mengawal capaian ke atas kod atau atur cara program bagi mengelakkan kerosakan, pengubahsuaian tanpa kebenaran, penghapusan dan kecurian;
- (d) Data ujian perlu dipilih dengan berhati-hati, dilindungi dan dikawal; dan
- (e) Mengaktifkan audit log bagi merekodkan semua aktiviti pengemaskinian untuk tujuan statistik, pemulihan dan keselamatan.

8.4 Keselamatan Dalam Proses Pembangunan dan Sokongan

Perkara-perkara yang perlu dipatuhi adalah termasuk yang berikut:

- (a) Perubahan atau pengubahsuaian ke atas sistem maklumat dan aplikasi hendaklah dikawal, diuji, direkodkan dan disahkan sebelum diguna pakai;
- (b) Aplikasi kritikal perlu dikaji semula dan diuji apabila terdapat perubahan kepada sistem pengoperan untuk memastikan tiada kesan yang buruk terhadap operasi dan keselamatan agensi;
- (c) Mengawal perubahan dan atau pindaan ke atas pakej perisian dan memastikan sebarang perubahan adalah terhad mengikut keperluan sahaja;
- (d) Mewujudkan jejak audit dalam sistem aplikasi;

- (e) Capaian kepada kod sumber (*source code*) aplikasi perlu dihadkan kepada pengguna yang dibenarkan;
- (f) Menghalang sebarang peluang untuk membocorkan maklumat;
- (g) Pembangunan perisian secara khidmat luar (*outsourcing*) perlu diselia dan dipantau oleh pemilik sistem;
- (h) Kod sumber (*source code*) bagi semua aplikasi dan perisian adalah menjadi hak milik kerajaan; dan
- (i) Kawalan yang bersesuaian dan log audit perlu di reka bentuk ke dalam sistem aplikasi. Ini termasuklah pengesahan data yang dimasukkan, data yang dihasilkan, pemprosesan dalaman, pengesahan dan integriti mesej dan sebagainya. Ukuran keselamatan mesti dititik beratkan semasa membangunkan aplikasi baru atau mengemas kini/ menambah baik aplikasi sedia ada.

8.5 Kawalan Teknikal Keterdedahan (*Vulnerability*)

Keterdedahan adalah bermaksud sebarang kelemahan pada aset atau sekumpulan aset yang boleh dieksploitasi oleh ancaman.

Kawalan teknikal keterdedahan ini perlu dilaksanakan ke atas sistem pengoperan dan sistem aplikasi yang digunakan adalah seperti berikut:

- (a) Memperoleh maklumat teknikal keterdedahan yang tepat pada masanya ke atas sistem maklumat yang digunakan;
- (b) Menilai tahap keterdedahan bagi mengenal pasti tahap risiko yang bakal dihadapi; dan
- (c) Mengambil langkah kawalan untuk mengatasi risiko berkaitan.

9. PENGURUSAN PENGENDALIAN INSIDEN KESELAMATAN

Objektif:

- Memastikan insiden dikendalikan dengan cepat dan berkesan bagi meminimumkan kesan insiden keselamatan ICT.
- Memastikan pendekatan yang konsisten dan efektif digunakan dalam pengurusan maklumat insiden keselamatan ICT.

9.1 Pengurusan Pengendalian Insiden Keselamatan

ICTSO dan NRECERT bertanggungjawab mengurus dan mengendalikan insiden keselamatan ICT termasuk perkara-perkara berikut:

- (a) Menguruskan tindakan ke atas insiden yang berlaku sehingga keadaan pulih; dan
- (b) Menentukan sama ada sesuatu insiden perlu dilaporkan kepada agensi penguatkuasaan undang-undang/ keselamatan.

9.2 Insiden Keselamatan

Insiden keselamatan bermaksud musibah (*adverse event*) yang berlaku ke atas sistem maklumat dalam pelbagai keadaan seperti:

- (a) Percubaan (sama ada gagal atau berjaya) untuk mencapai sistem atau data tanpa kebenaran (*probing*);
- (b) Serangan kod jahat (*malicious code*) seperti *virus*, *trojan horse*, *worms* dan seumpamanya;
- (c) Gangguan yang disengajakan (*intended disruption*) atau penafian penyampaian perkhidmatan (*denial of service*);
- (d) Menggunakan sistem untuk pemprosesan data atau penyimpanan data tanpa kebenaran (*unauthorised access*); dan
- (e) Pengubahsuaian ciri-ciri perkakasan, perisian atau mana-mana komponen sesebuah sistem tanpa pengetahuan, arahan atau persetujuan mana-mana pihak.

9.3 Melaporkan Insiden

Semua insiden keselamatan ICT yang berlaku mesti dilaporkan kepada NRECERT dan atau *Government Computer Emergency Response Team* (GCERT). Semua maklumat adalah SULIT dan tidak boleh didedahkan tanpa kebenaran daripada ICTSO.

9.4 Menentukan Keutamaan Tindakan Ke Atas Insiden

Tindakan ke atas insiden yang dilaporkan akan dibuat berasaskan tahap kritikal sesuatu insiden. Keutamaan akan ditentukan seperti berikut:

Keutamaan 1:

Aktiviti yang berkemungkinan mengancam nyawa atau keselamatan negara.

Keutamaan 2:

- (a) Pencerobohan atau percubaan menceroboh melalui infrastruktur Internet ke atas peralatan rangkaian;
- (b) Penyebaran penafian penyampaian perkhidmatan (*distributed denial of service*);
- (c) Serangan atau pendedahan keterdedahan terbaru (*new vulnerabilities*); atau

Lain-lain insiden seperti:

- (d) Pencerobohan melalui pemalsuan identiti;
- (e) Pengubahsuaian laman web, perisian, atau mana-mana komponen sistem tanpa pengetahuan, arahan atau persetujuan pihak yang berkenaan; dan
- (f) Gangguan sistem untuk pemprosesan data atau penyimpanan data tanpa kebenaran.

9.5 Pengendalian Insiden

Sekiranya berlaku insiden di bawah Keutamaan 1, sila hubungi:

(a) *NRE Computer Emergency Response Team (NRECERT)*

Alamat : Kementerian Sumber Asli dan Alam Sekitar
Bahagian Pengurusan Maklumat
Aras 4 & 5, Wisma Sumber Asli
No 25, Persiaran Perdana, Presint 4
Pusat Pentadbiran Kerajaan Persekutuan
62574 Putrajaya
Malaysia

Telefon : 03-8886 1062/1072 (Waktu Pejabat)
Faks : 03 - 8889 4821 (Waktu Pejabat)
E-mel : jksec_cert@nre.gov.my
Portal : <http://www.nre.gov.my>
Waktu Pejabat : Isnin - Jumaat
07:30 pagi - 05:30 petang, MYT+0800

(b) *Government Computer Emergency Response Team (GCERT)*

Alamat : Bahagian Pembangunan Perkhidmatan
Gunasama, Infrastruktur dan Keselamatan ICT,
MAMPU
Jabatan Perdana Menteri,
Bangunan MKN-Embassy Techzone,
Aras 3, Blok B, No. 3200, Jalan Teknokrat 2,
63000 Cyberjaya, Selangor Darul Ehsan

Telefon : 03-88726303 (Waktu Pejabat)
Faks : 03-83184409 (Waktu Pejabat)
Telefon Bimbit : 012 - 331 2205
E-mel : gcert@mampu.gov.my
Web : <http://gcert.mampu.gov.my>
Waktu Pejabat : Isnin - Jumaat
07:30 pagi - 05:30 petang, MYT+0800

(c) *Malaysian Computer Emergency Response Team (MyCERT)*

Alamat : CyberSecurity Malaysia
Level 7, SAPURA@MINES
7, Jalan Tasik, The Mines Resort City
43300 Seri Kembangan
Selangor Darul Ehsan
Malaysia

Cyber999 *Hotline* : 1-300-88-2999 (Waktu Pejabat)

Telefon Bimbit : 019 - 266 5850 (24x7)

SMS : CYBER999 <E-mel><INSIDEN>
dan hantar ke 15888

Faks : 03 - 8945 3442 (Waktu Pejabat)

E-mel : cyber999@cybersecurity.my

Web : <http://www.mycert.org.my>

Twitter : <http://www.twitter.com/mycert>

Waktu Pejabat : Isnin - Jumaat
09:00 pagi - 06:00 petang, MYT+0800

10. PENGURUSAN KESINAMBUNGAN PERKHIDMATAN (PKP) (*BUSINESS CONTINUITY MANAGEMENT (BCM)*)

Objektif:

Menjamin operasi perkhidmatan dan penyampaian perkhidmatan yang berterusan kepada pelanggan.

10.1 Kesinambungan Perkhidmatan

Ketua Jabatan bertanggungjawab memastikan perkhidmatan tidak tergendala dan penyampaian perkhidmatan yang berterusan kepada pelanggan.

10.2 Pelan Kesinambungan Perkhidmatan (*Business Continuity Plan (BCP)*)

Pelan Kesinambungan Perkhidmatan hendaklah dibangunkan untuk mengekalkan kesinambungan perkhidmatan bagi memastikan tiada gangguan di dalam penyediaan perkhidmatan agensi. Pelan ini mestilah diperakui oleh pengurusan NRE dan perkara-perkara berikut perlu diberi perhatian:

- (a) Menenal pasti dan mendokumenkan semua tanggungjawab dan prosedur kecemasan atau pemulihan;
- (b) Melaksanakan prosedur-prosedur kecemasan bagi membolehkan pemulihan dapat dilakukan secepat mungkin atau dalam jangka masa yang telah ditetapkan;
- (c) Mengadakan program kesedaran dan latihan kepada pengguna mengenai prosedur kecemasan;
- (d) Mengkaji dan mengemas kini pelan sekurang-kurangnya setahun sekali; dan
- (e) Membuat *backup*.

10.3 Perubahan atau Pengecualian BCP

Sekiranya terdapat perubahan/ pengemaskinian atau pengecualian yang perlu dilakukan, permintaan secara bertulis termasuk keterangan dan kebenaran untuk pengecualian/ perubahan hendaklah dikemukakan kepada Ketua Jabatan atau Ketua Bahagian.

10.4 Program Latihan dan Kesedaran Terhadap BCP

Semua kakitangan NRE perlu mempunyai kesedaran dan mengetahui peranan masing-masing terhadap BCP. Ketua Jabatan atau Ketua Bahagian bertanggung jawab dalam memastikan latihan dan program kesedaran terhadap BCP dilaksanakan setiap tahun.

10.5 Pengujian BCP

- (a) BCP perlu diuji satu (1) kali setahun atau selepas perubahan utama, atau yang mana terdahulu bagi memastikan semua pihak yang berkenaan mengetahui dan maklum akan pelaksanaannya;
- (b) Salinan BCP mestilah disimpan di lokasi berasingan bagi mengelakkan kerosakan akibat bencana di lokasi utama. Penilaian secara berkala hendaklah dilaksanakan untuk memastikan pelan tersebut bersesuaian dan memenuhi tujuan dibangunkan;
- (c) Ujian BCP hendaklah dijadualkan untuk memastikan semua ahli dalam pemulihan dan personel yang terlibat mengetahui mengenai pelan tersebut, tanggungjawab dan peranan mereka apabila pelan dilaksanakan;
- (d) NRE hendaklah memastikan salinan Pelan Kesenambungan Perkhidmatan sentiasa dikemas kini dan dilindungi seperti di lokasi utama; dan
- (e) Komponen BCP seperti Pelan Pemulihan Bencana (*Disaster Recovery Plan – DRP*), Pelan Komunikasi Krisis (*Crisis Communication Plan – CCP*) dan Pelan Tindak Balas Kecemasan (*Emergency Response Plan – ERP*) perlu diuji satu (1) kali setahun atau selepas perubahan utama, atau yang mana terdahulu.

11. PEMATUHAN

Objektif:

Untuk menghindari pelanggaran undang-undang jenayah dan sivil, *statutory*, peraturan atau ikatan kontrak dan sebarang keperluan keselamatan lain.

11.1 Pematuhan Dasar

Adalah menjadi tanggungjawab Ketua Jabatan untuk memastikan bahawa pematuhan dan sebarang pelanggaran dielakkan.

Langkah-langkah perlu bagi mengelakkan sebarang pelanggaran perundangan termasuklah memastikan setiap pengguna membaca, memahami dan mematuhi Dasar Keselamatan ICT Kerajaan dan undang-undang atau peraturan-peraturan lain yang berkaitan yang berkuat kuasa.

11.2 Keperluan Perundangan

Senarai perundangan dan peraturan yang berkuat kuasa dari semasa ke semasa perlu dipatuhi oleh semua pengguna di NRE adalah seperti di **LAMPIRAN B**:

11.3 Perlindungan dan Privasi Data Peribadi

Kakitangan NRE perlu sedar bahawa data kegunaan peribadi yang dijana dalam aset ICT adalah milik NRE. Pihak pengurusan tidak menjamin kerahsiaan data peribadi yang disimpan dalam aset ICT.

Untuk tujuan keselamatan dan penyelenggaraan rangkaian, pegawai yang diberi kuasa perlu mengawasi peralatan, sistem dan rangkaian. Pihak pengurusan NRE berhak mengaudit rangkaian dan sistem secara berkala bagi memastikan ia mematuhi dasar ini.

NRE menggalakkan dasar privasi yang adil. Pihak pengurusan perlu bertanggungjawab bagi memastikan semua maklumat peribadi digunakan berdasarkan keperluan untuk mengelakkan penyalahgunaan maklumat.

Pendedahan maklumat peribadi tentang kakitangan NRE kepada pihak ketiga tidak sepatutnya berlaku kecuali:

- (a) Dikehendaki oleh undang-undang atau peraturan;
- (b) Dengan persetujuan yang jelas dan nyata daripada kakitangan tersebut; atau

- (c) Setelah menerima persetujuan bertulis daripada pihak ketiga di mana maklumat akan dilindungi dengan tahap keselamatan dan privasi yang mencukupi seperti yang ditentukan oleh Unit Undang-undang serta perjanjian jelas diperoleh daripada pengurusan sumber manusia.

11.4 Semakan Keselamatan Maklumat

Semakan keselamatan maklumat mestilah diambil kira seperti berikut:

- (a) Pematuhan pemeriksaan ke atas dasar keselamatan maklumat, piawaian dan prosedur perlu dilakukan secara tahunan. Pemeriksaan ini mestilah melibatkan usaha bagi menentukan kawalan yang mencukupi dan dipatuhi;
- (b) Ujian penembusan bagi sistem yang kritikal mestilah di laksanakan sekurang-kurangnya satu (1) kali setahun atau bila ada keperluan. Tujuan ujian penembusan ini adalah untuk memastikan pematuhan terhadap piawaian keselamatan ICT; dan
- (c) Perkara (a) dan (b) di atas mestilah dilaksanakan oleh pihak yang tidak terlibat dalam pelaksanaan aktiviti keselamatan ICT tersebut.

11.5 Pelanggaran Perundangan

Mengambil tindakan tatatertib ke atas sesiapa yang terlibat di dalam semua perbuatan kecuai, kelalaian dan pelanggaran keselamatan termasuk dasar keselamatan ICT yang membahayakan perkara-perkara terperingkat di bawah Akta Rahsia Rasmi 1972. Antara tindakan yang boleh diambil terhadap pihak ketiga adalah penamatan kontrak.

11.6 Akuan Pematuhan Dasar Keselamatan ICT

Adalah menjadi tanggungjawab Ketua Jabatan dan Ketua Bahagian untuk memastikan setiap pegawai di dalam NRE menandatangani Akuan Pematuhan Dasar Keselamatan Teknologi Maklumat dan Komunikasi (DKICT) seperti di **LAMPIRAN A**.

PENGHARGAAN

Puan Wan Roshidah binti Wan Ismail
Puan Kamariah binti Abu
Puan Siti Hanizah binti Mohd Hanafiah
Puan Helena Ping Mering
Puan Zainatun Nadhrah binti Aziz
Cik Suhairina binti Sudirman
Encik Khairul Azli bin Kasim
Encik All Imran bin Mohd Nor
Encik Ady Hazman bin Abdullah
Cik Maizatul Akmal binti Mamat
Encik Muhammad Tarmizi bin Abdul Jalil
Puan Rabiatul Adawiyah binti Ab. Rashid
Puan Haryanti binti Dahalan
Encik Tan Teong Ming
Encik Mohd Farid bin Mahfar
Puan Maizura binti Ishak
Puan Nordiana binti Nordin
Encik Ahmad Khairi bin Abdul Malik
Encik Mohd Amin bin Othman

Encik Khairul Nizam bin Ismail

Encik Muhammad Arif bin Amir
Puan Nor Adila binti Abd Rahim
Encik Mohd Saril bin Musa
Encik Muhammad Rafiq bin Ismail
Cik Emmy Farah binti Alwie
Puan Nor Suhaida binti Hashim
Encik Masrizam bin Mansur

Bahagian Pengurusan Maklumat, NRE
Bahagian Pengurusan Maklumat, NRE
Bahagian Pengurusan Maklumat, NRE
Bahagian Pengurusan Maklumat, NRE
Bahagian Pengurusan Maklumat, NRE
Bahagian Pengurusan Maklumat, NRE
Bahagian Pengurusan Maklumat, NRE
Bahagian Pengurusan Maklumat, NRE
Bahagian Pengurusan Maklumat, NRE
Bahagian Pengurusan Maklumat, NRE
Pusat Infrastruktur Data Geospatial Negara
Pusat Infrastruktur Data Geospatial Negara
Jabatan Taman Laut Malaysia
Institut Tanah dan Ukur Negara
Jabatan Mineral dan Geosains Malaysia
Jabatan Perhutanan Semenanjung Malaysia
Institut Penyelidikan Perhutanan Malaysia
Jabatan Alam Sekitar
Jabatan Ukur dan Pemetaan Malaysia
Institut Penyelidikan Hidraulik Kebangsaan
Malaysia
Jabatan Perlindungan Hidupan Liar dan Taman
Negara
Jabatan Pengairan dan Saliran Malaysia
Jabatan Ketua Pengarah Tanah dan Galian
Bahagian Pengurusan Maklumat, NRE
Bahagian Pengurusan Maklumat, NRE
Bahagian Pengurusan Maklumat, NRE
Bahagian Pengurusan Maklumat, NRE
Bahagian Pengurusan Maklumat, NRE



**AKUAN PEMATUHAN
DASAR KESELAMATAN TEKNOLOGI MAKLUMAT
DAN KOMUNIKASI (DKICT)
KEMENTERIAN SUMBER ASLI DAN ALAM SEKITAR
(NRE)**



Nama (Huruf Besar) : _____
No. Kad Pengenalan : _____
Jawatan : _____
Bahagian : _____

Adalah dengan sesungguhnya dan sebenarnya mengaku bahawa:

1. Saya telah membaca, memahami dan akur akan peruntukan-peruntukan yang terkandung di dalam DKICT NRE*; dan
2. Jika saya ingkar kepada peruntukan-peruntukan yang ditetapkan, maka tindakan sewajarnya boleh diambil ke atas diri saya.

Tandatangan :

Tarikh :

Pengesahan Pegawai Keselamatan ICT

.....

(Tandatangan & Cop Jawatan)

Kementerian Sumber Asli dan Alam Sekitar

Tarikh:

* DKICT NRE boleh dicapai menerusi <http://www.nre.gov.my>



**AKUAN PEMATUHAN
DASAR KESELAMATAN TEKNOLOGI MAKLUMAT
DAN KOMUNIKASI (DKICT)
KEMENTERIAN SUMBER ASLI DAN ALAM SEKITAR (NRE)**



Nama (Huruf Besar) :
No. Kad Pengenalan :
Nama Syarikat :
No. Pendaftaran Syarikat :

Adalah dengan sesungguhnya dan sebenarnya mengaku bahawa:

1. Saya telah membaca, memahami dan akur akan peruntukan-peruntukan yang terkandung di dalam DKICT NRE*; dan
2. Jika saya ingkar kepada peruntukan-peruntukan yang ditetapkan, maka tindakan sewajarnya boleh diambil ke atas diri saya.

Tandatangan :

Tarikh :

Pengesahan Pegawai Keselamatan ICT

.....

(Tandatangan & Cop Jawatan)

Kementerian Sumber Asli dan Alam Sekitar

Tarikh:

* DKICT NRE boleh dicapai menerusi <http://www.nre.gov.my>

SENARAI PERUNDANGAN DAN PERATURAN

1. Arahan Keselamatan;
2. Pekeliling Am Bilangan 3 Tahun 2000 – Rangka Dasar Keselamatan Teknologi Maklumat dan Komunikasi Kerajaan;
3. Malaysian Public Sector Management of Information and Communications Technology Security Handbook (MyMIS) 2002;
4. Pekeliling Am Bilangan 1 Tahun 2001 – Mekanisme Pelaporan Insiden Keselamatan Teknologi Maklumat dan Komunikasi (ICT);
5. Pekeliling Kemajuan Pentadbiran Awam Bilangan 1 Tahun 2003 – Garis Panduan Mengenai Tatacara Penggunaan Internet dan Mel Elektronik di Agensi-Agensi Kerajaan;
6. Surat Pekeliling Am Bilangan 6 Tahun 2005 – Garis Panduan Penilaian Risiko Keselamatan Maklumat Sektor Awam;
7. Surat Pekeliling Am Bilangan 4 Tahun 2006 – Pengurusan Pengendalian Insiden Keselamatan Teknologi Maklumat dan Komunikasi (ICT) Sektor Awam;
8. Surat Arahan Ketua Setiausaha Negara – Langkah-Langkah Untuk Memperkukuhkan Keselamatan Rangkaian Setempat Tanpa Wayar (Wireless Local Area Network) di Agensi-Agensi Kerajaan yang bertarikh 20 Oktober 2006;
9. Surat Arahan Ketua Pengarah MAMPU – Langkah-Langkah Mengenai Penggunaan Mel Elektronik di Agensi-Agensi Kerajaan yang bertarikh 1 Jun 2007;
10. Surat Arahan Ketua Pengarah MAMPU – Langkah-Langkah Pemantapan Pelaksanaan Sistem Mel Elektronik Di Agensi-Agensi Kerajaan yang bertarikh 23 November 2007;
11. Surat Pekeliling Perbendaharaan Bil. 3/1995 – Peraturan Perolehan Perkhidmatan Perundingan;
12. Akta Tandatangan Digital 1997;
13. Akta Rahsia Rasmi 1972;
14. Akta Jenayah Komputer 1997;
15. Akta Hak Cipta (Pindaan) Tahun 1997;
16. Akta Komunikasi dan Multimedia 1998;
17. Perintah - Perintah Am;
18. Arahan Perbendaharaan;
19. Arahan Teknologi Maklumat 2007;
20. Garis Panduan Keselamatan MAMPU 2004;
21. Surat Pekeliling Am Bilangan 3 Tahun 2009 – Garis Panduan Penilaian Tahap Keselamatan Rangkaian dan Sistem ICT Sektor Awam yang bertarikh 17 November 2009;
22. Surat Arahan Ketua Pengarah MAMPU – Pengurusan Kesyinambungan Perkhidmatan
23. Arahan Teknologi Maklumat dan Akta Aktiviti Kerajaan Elektronik (Akta 680) (Tahun 2007)
24. Pekeliling Am Bil. 1 Tahun 2009 – Manual Pengurusan Aset Menyeluruh Kerajaan

25. Surat Pekeliling Am Bilangan 1 Tahun 2009 Garis Panduan Mengenai Tatacara Memohon Kelulusan Teknikal Projek ICT Agensi Kerajaan
26. Surat Arahan Ketua Setiausaha Negara – Langkah - Langkah Keselamatan Perlindungan Untuk Larangan Penggunaan Telefon Bimbit Atau Lain - Lain Peralatan Komunikasi ICT Tanpa Kebenaran (Tarikh : 31 Januari 2007)
27. Surat Arahan Ketua Pengarah MAMPU – Amalan Terbaik Penggunaan Media Jaringan Sosial (Tarikh : 8 April 2011)
28. Surat Arahan Ketua Pengarah MAMPU – Pemantapan Penggunaan Dan Pengurusan E-Mel. (Tarikh : 1 Julai 2010)
29. Surat Arahan Ketua Pengarah MAMPU – Panduan Pelaksanaan Pengurusan Projek Ict Sektor Awam. (5 Mac 2010)
30. Surat Arahan Ketua Pengarah MAMPU – Garis Panduan Transisi Protokol Internet Versi 6 (IPV6) Sektor Awam. (Tarikh : 4 Januari 2010)
31. Surat Arahan Ketua Pengarah MAMPU – Penggunaan Media Jaringan Sosial Di Sektor Awam. (Tarikh : 19 November 2009)
32. Surat Arahan Ketua Pengarah MAMPU – Penggunaan Smartphone, Personel Digital Assistant Dan Alat Komunikasi Mudah Alih Sebagai Saluran Komunikasi Tambahan (Tarikh : 15 September 2009)
33. Surat Arahan Ketua Pengarah MAMPU – Pengaktifan Fail Log Server (Tarikh : 23 Mac 2009)
34. Garis Panduan Penggunaan ICT Ke Arah ICT Hijau Dalam Perkhidmatan Awam (Ogos 2010)
35. Arahan Teknologi Maklumat Dan Akta Aktiviti Kerajaan Elektronik (Akta 680) (Tahun 2007)
36. Garis Panduan IT Outsourcing (Oktober 2006)
37. Garis Panduan Penyimpanan dan Pemeliharaan Rekod Elektronik Sektor Awam

